

# PREPARACIONNAN PA EVENTO DI CICLOVIA ARUBA TA CLA



E evento di Ciclovía organisa pa IDEFRE y Gobierno di Aruba lo ta diasabra awor dia 10 di April 2010 cuminsando for di 4:30 p.m. te cu 8:00 p.m. y ta concentra den cayanan di San Nicolaas. E ruta di CICLOVIA Aruba ta e mesun ruta di parada di Carnaval di mucha na San Nicolaas. pag. 2 y 11



Diahuebs 8 di April 2010 | Margrietstraat 3 | Tel: 583-1400 | Fax: 583-1444 | noticia@awemainta.com

**awemainta.com**

**ARUBA A YAMA  
77,523 PASAHERO  
CRUCERO BONBINI  
NA MAART 2010** pag. 2

**UN ERA NOBO PA  
PEPSI NA ARUBA  
A CUMINSA** pag. 8

**HUEZ A AUMENTA  
CASTIGO PA HOMBER  
CU A ATRACA  
STUDIANTE** pag. 3

## Mesun auto atrobe den noticia **DEN FIN DI SIMAN DEN ACCIDENTE Y AWOR E TABATA SOSPECHOSO PARA BANDA DI VELD DI NACIONAL**



**DIAMARS** anochi, polisnan di Noord durante patruya banda di 8.30, ta mira un auto Corolla blanco A-54263, bandona riba veld di Nacional. Ora cu polis a bay controla, nan ta haya e auto

habri. Polis a yama takelwagen pa hiba e auto warda. Mientras cu polisnan tabata warda riba e takelwagen bin busca e auto, tres mucha homber riba scooter a bin den direccion di e auto, pero manera cu nan a mira polis, nan a cambia di direccion y a hisa velocidad y a core bay direccion pariba. Polis a sigui nan tras y na e lusnan di trafico, uno a coy direccion pa Turibana y e dos otro nan a sigui direccion pariba. Dado momento nan a subi e brug chikito y eyan polis no por a sigui nan tras cu auto y a perdenan for di bista.

## Riba peticion urgente **PROME MINISTER MR. MIKE EMAN TA PAPIA CU SINDICATO SINBA**

Riba termino corto inversionnan necesario lo wordo haci

## Caso di maltrato serio na Piedra Plat **HOMBER A HAYA SLA Y KAP FORMAL NA CABES**



**DIARANZON** anochi a drenta informe di un caso di maltrato serio na Piedra Plat unda tin un persona seriamente herida, mesora a dirigi tanto polis como ambulans na e sitio. Na yegada di e patruya a bin topa cu e victima cu tabata tin un kap bastante grandi na su cabes net ariba di su oreja y a solicita pa e ambulans dirigi su mes cu mas urgencia na e sitio. Na yegada di e ambulans mesora a atende e victima y a hibe cu urgencia pa hospital. Segun por a compronde aki lo ta trata di un caso di reglamento di cuenta despues di tanto amensura. Recherchenan mesora a inicia cu e investigacion.



**PREMIUM  
FISH  
FILLET**  
100% NORTH PACIFIC COD



Minister dr. Richard Visser ta cuminsa pone su plan nacional den ehecucion

## Preparacionnan pa evento di Ciclovía Aruba ta cla

Evento ta tuma lugar diasabra awor na San Nicolaas



**REPRESENTANTENAN** di gruponan deportivo, di e grupo di baila Pachanga, di e grupo di Thai Chi, di e organisacion Bestial y asina por sigui menciona un cantidad di organisacionnan deportivo a uni ayeranochi pa sigura cu tur cos ta cla pa e

prome evento di Ciclovía Aruba. Manera ta conoci, for di tempo di campaña caba e actual Minister di Deporte, dr. Richard Visser a anuncia su plan nacional di movicion y salud. Den e plan aki e parti di Ciclovía ta inclui den dje, como un formula

cu a duna masha bon resultado den varios pais rond mundo. Colombia ta un pionero den esaki y via e sistema ai a percura pa mas movicion den ambiente familiar.

E evento di Ciclovía organisa

pa IDEFRE y Gobierno di Aruba lo ta diasabra awor dia 10 di April 2010 cuminsando for di 4:30 p.m. te cu 8:00 p.m. y ta concentra den cayanan di San Nicolaas.

Durante un encuentro ayeranochi na e parada di bus na San Nicolaas, Minister Dr. Richard Visser hunto cu representantenan di IDEFRE a splica e invitadonan di su plan nacional y di e evento aki di Ciclovía en particular. Ela splica cu esaki ta algo cu e kier cuminsa cune mensual pero cu na caminda lo mester crece y bira un evento semanal na unda ta sera areanan y careteranan pa asina e comunidad por cana, core bicicleta, skateboard, haci deporte y asina por sigui menciona. E intencion ta pa den un ambiente familiar y social promove mas movicion y bibamento saludabel bou di nos poblacion.

E ruta di CICLOVIA Aruba ta e mesun ruta di parada di Carnaval di mucha na San Nicolaas. Cuerpo policial hunto cu personal di DOW ta cera e camindanan publico, entre otro Pasoor Hendrikstraat, Lagoweg, Grensweg y Bernardstraat. Riba ful e ruta ta tuma lugar demostracion di varios organisacionnan deportivo y social. E camindanan ta keda cera pa publico por haci uso facilmente y participa sin molester di trafico, na e actividadnan cu ta tuma lugar. Concentracion principal pa e evento ta na e stacion di bus nobo na San Nicolaas.

Riba e fotonan por aprecia e reunion di ayeranochi, na unda cu Minister di Salubridad Publico y Deporte, dr. Richard Visser a reuni cu tur esnan envolvi den organisacion di e Ciclovía y a conclui cu tur cos ta cla pa diasabra awor!

## Aruba a yama 77,523 pasahero crucero bonbini na maart 2010

**ARUBA** Cruise Tourism Authority ta anuncia cu Aruba a ricibi un total di 41 barco den waf di Oranjestad y un cantidad di 77,523 mil turista crucero y 30,862 mil “crew members” na luna di maart 2010. Un total di 108,385 persona a yega na nos haf na maart yegando na un total di 135 “calls” y 246,507 mil pasahero y 100,616 mil “crew members” cu a bishita nos isla via crucero.

E desaparicion lento di e descuentonan exahera riba prijs di crucero cu tabata asina popular durante di e recesion mundial y e reservacionan haci pa consumidornan bas-

tante tempo adelanta ta señalala cu e industria di crucero ta riba caminda pa recuperacion. Segun a wordo informa pa e gigante di e industria, Carnival Corp., nan ganashi pa e prome cuartal di 2010 ta mihor di locual nan a spera. Nan ta atribui esey na prijs di crucero mas fuerte/halto, “close-in bookings” y gastonan mas abao di locual nan a premira. Cu esaki na bista, Aruba tambe ta den bon rumbo pa cu e beneficianan cu e industria aki ta trece pa nos isla. E recuperacion lo ta uno lento pero sigur, y e confianza cu Gobierno ta demostra den nos pais lo duna Aruba un “edge” riba otro destinacionan den Caribe.

## Atraco na Subway Savaneta a resulta di ta reglamento di cuenta cu un trahado



**PRESENCIA** di polis a wordo pidi diamars anochi 11.30 na Subway Savaneta pa un caso di atraco. Ora cu polis a yega na e sitio, e manager ta bisa polis cu e personal cu ta busca placa a bin na e sitio y ora cu el a sali

cu e saco di placa un homber a dale cu bate di baseball y a core bay cu e saco di placa. E personal di e compania a subi auto y a bay for di e sitio. Polis a bay papia cu e doño di e compania y e ta bisa cu no tabata trata di

un atraco, como cu e homber no a bay cu e saco di placa. Ta un asunto cu e homber a bay regla cuenta cu su personal y a dune un bati cu bate di baseball. Polis a bisa e trahado pa e bay duna keho na Recherche.

Riba peticion urgente

## Prome Minister mr.Mike Eman ta papia cu sindicato SINBA

Riba termino corto inversionnan necesario lo wordo haci



**AYERATARDI** Prome Minister di Aruba mr.Mike Eman a reuni cu Presidente David Roza y miembronan Maduro y Dirksz di sindicato di bombero SINBA pa motibo cu ta reina un preocupacion grandi den e departamento aki relaciona

cu falta di material adecuado. Tanto Directiva como sindicato di Cuerpo di Bombero SINBA a manda un carta urgente pa Minister di Husticia Dowers, pero dor cu e ultimo aki ta den exterior pa motibonan personal, Prome Minister Eman kende ta su reemplazante, a atende mesora cu e Presidente y dos miembro di sindicato SINBA pa papia di e situacion reinante.

Prome Minister Eman ya caba na altura di un que otro, ya cu dia di e accidente na e rotonde na Pos Chikito el a bai na e sitio y a papia cu e director a.i. di Bombero sr.de Cuba. E estado di e autonan y otro material ta sumamente malo, asina Eman a bisa. Pa loke ta Brandweer Prome Minister ta bisa cu no tin discusion cu gobierno ta e prome yama pa atende cu e

situacion eyden. Pueblo ta spera cu gobierno mescos cu e ta ta responsabel pa seguridad, e ta responsabel tambe pa e trabou cu Cuerpo di Bombero ta haci. Loke a bin dilanti durante e reunion cu Prome Minister tabatin cu e sindicato ta cu durante e ultimo dies añanan no a haci ningun compra mas di material di ni auto mas pa Brandweer. Minister Watty Vos (qepd) como Minister di Husticia a haci e ultimo compra di e trucknan pa Bombero. Lamentablemente nunca mas a cumpra trucknan nobo pa Brandweer y esnan cu tin ta bieu y tur gasta. Prome Minister Eman no por a keda sin haci mencion di echo cu asuntonan asina importante y esencial manera material pa Bombero, educacion, seguridad

di nos pais no a haya atencion di e gobierno anterior, pero si a paga 7 miyon florin na un oficina di abogado y 22 miyon florin na personanan cu a enrikese nan mes riba custia di e pueblo aki.

Despues di a scucha cu atencion e preocupacion di SINBA, Prome Minister Eman a priminti e sindicato cu durante tratamiento di presupuesto e luna aki ainda lo entrega un asina yama “nota van wijziging” pa asina agrega na e presupuesto e inversion necesario pa seguridad di nos pais. Esaki ta necesario. Riba termino cortico Cuerpo di Bombero lo haya dos auto di bombero y un materialenwagen. Un alivio sigur si mira e situacion preocupante cu Brandweer ta den actualmente.

Prome Minister mr.Mike Eman a percura pa

## Solucion structural pa evita congestionamento continuo na Censo



E problema cu departamento di Censo ta hayando su mes aden na unda un multitud enorme diariamente ta acudi eynan pa

tur sorto di servicio, ta hayando un solucion pronto y structural. E congestionamento aki cu tin como consecuencia oranan largo

di espera, hendenan gepak riba otro te pafo di e edificio y empleadonan frustra, sigur no ta algo di ayera. Ta pa basta tempo caba e problema aki a lanta cabes y a bira e ultimo añanan mas grandi dor di crecemento di e poblacion, pero tambe dor cu pa diferente otro servicio na Aruba, ta existi un extracto di Censo, e asina yama papel di 5 florin. Tambe esnan cu por ehempel mester di un pasaporte, un tarheta di identificacion of un extracto di sea nacemento mester acudi na Censo na Oranjestad. Den oranan tempran di mainta rijnan largo di hende para te leu pafo di e edificio di Censo a parce di a bira algo masha comun. Pero, den un pais civilisa, asuntonan

asina nunca mag di wordo mira como algo normal y mester busca un solucion lihe p’e. For di un prome instante Prome Minister di Aruba mr.Mike Eman, bou kende Censo ta resorta, den un forma diligente a trata na yega na un solucion rapido y structural. Un di su prome iniciativanan tabata pa bishita y cuminsa tene consulta den algun di e hulpbestuurkantoor na asina trece bida bek den e edificionan bandona aki.

Ta pesey mes cu Prome Minister Eman a papia cu tanto e hefe di e departamento di Censo sra. Luydens como e director di DIA sr.de Cuba pa yega na un consensus pa rapidamente cuminsa haci mas uso di e hulpbestuur-

kantoornan rond di Aruba pa di e forma aki alivia e situacion tenso na Playa. Tur hende sa cu e situacion na Censo no ta bon y no por dura mucho mas tampoco.

Despues di e diferente deliberacionnan Prome Minister Eman a dicidi cu den e prome siman di Mei e hulpbestuurkantoor di Savaneta lo ta habri pa brinda servicio di peticion y entrega di extractonan di inscripcion y di nacemento. Esaki caba lo mengua e cantidad di riba 800 hende cu a base diario ta bai Censo pa haci uso di e servicionan eynan. Despues di Savaneta otro hulpbestuurkantoor lo habri tambe pa duna e servicionan necesario aki na tur parti di Aruba.

## Huez a aumenta castigo pa homber cu a atraca estudiante

**MIENTRAS** cu Fiscal a existi 10 luna di prison, Hues a haya e castigo aki mucho abou y a aumenta esaki na 12 luna di prison o sea 1 aña di prison pa E.Valdez, kende a wordo haya culpable di a haci un atraco riba un estudiante.

E atraco a sosode dia 12 di December 2009 banda di RCA na Solito. Valdez tabata riba un bicicleta y a ranca e tas cu e estudiante tabata cana cune. Den e tas tabatin un laptop.

Door cu e compania caminda a

cumpra e laptop tin un sistema cu por sigui computer cu no a caba di wordo paga Polis a bin haya e laptop serca un tal R. El a bisa cu el a cumpra e laptop for di Valdez. Segun R. el a paga 600 florin pa e laptop. Polis a detene Valdez y R. a reconoce

como esun cu a bende e laptop mientras cu e estudiante a reconoce como esun cu a horta e laptop for di dje. E estudiante a haya su laptop bek.

Valdez ta adicto na droga desde 2001. Fiscal a existi 10 luna di

prison.

Hues ta haya e castigo existi pa Fiscal abou. El a muestra cu e ta tene cuenta cu Hof ta baha pisa pa atraco cu violencia. El a condena Valdez na 12 luna di prison.



Parlamentario Lorna C. Varlack, fraccion di AVP

## Soulbeach Festival den Joe Laveist Ballpark

CU grato placer fraccion di AVP por a tuma nota di e noticia cu Soulbeach Festival lo tuma lugar den San Nicolas e biaha aki. Como miembro di comision di Turismo ta un actividad cu nos por aplaudi y ricibi cu man habri. E impacto financiero cu e actividad aki lo tin pa San Nicolas y pa Aruba en general ta hopi grandi. E cantidad di turista cu lo yega Aruba pa presencia e evento ta cay den miles y esaki lo beneficia nos turismo pasobra e actividad aki ta net den temporada di aña ora nos flow di turista ta hopi abao (low season). Awe nos tabata presente na e rueda

di prensa unda Minister Otmar Oduber hunto cu e organisadornan a duna un presentacion extensivo pa cu esaki. Tur e stakeholders cu ta contribui na nos turismo lo saca beneficio for di e festival aki. San Nicolas lo haya un promocion masha grandi mes y e ta keda na nos pa haci uzo di e oportunidad unico aki. Pafor y paden grupo y instancianan lo haya e oportunidad pa bende cuminda crioyo y pa bende otro artefactonan. E ambiente cu nan kier crea ta algo tipico, cultural di San Nicolas. Lo ta bon pa e diferente departamentonan di Gobierno cuminsa traha riba e

infraestructura di San Nicolas pa e distrito aki muestra bunita y limpi. Nos tambe como habitante di San Nicolas tin un responsabilidad pa nos distrito. SNBA tambe por stimula e comerciantenan pa drecha e tiendanan y e restaurantenan por bin cu ofertanan atractivo no solamente pa turista pero tambe pa local. Nos mester tene cuenta cu una bes e turista ta na San Nicolas e lo core ront pa wak kico San Nicolas tin di ofrece. E entusiasmo tey di tur banda, ta na nos awor pa carga e actividad aki. Keda pendiente pa mas informacion pa cu e actividad grandi aki.



Atencion automobilistanan y habitante di San Nicolas

## Ta cera caminda pa gran evento di CICLOVIA diasabra awor

DIASABRA dia 10 di april 2010 ta tuma lugar e grandioso evento di CICLOVIA Aruba organisa pa IDEFRE. E actividad ta cuminsa for di 4:30 p.m. y ta bay te cu 8:00 p.m. y ta concentra den cayanan di San Nicolaas.

IDEFRE ta avisa na comunidad di Aruba specialmente tur habitante di San Nicolas y vecindario, pa tene na cuenta cu en conexion cu e evento di CICLOVIA Aruba ta bay cera e caminda pa trafico di motor.

Tur auto particular, autobus of bus lo adapta nan ruta durante e oranan menciona.

E ruta di CICLOVIA Aruba pa tur actividad deportivo y of social ta e ruta di parada di Carnaval di mucha na San Nicolaas. Cuerpo policial hunto cu personal di DOW ta cera e camindanan publico, entre otro Pastoor Hendrikstraat, Lagoweg, Grensweg y Bernardstraat. Riba ful e ruta ta tuma lugar demostracion di

varios organisacionnan deportivo y social. E camindanan ta keda cera pa publico por haci uso facilmente y participa sin molester di trafico, na e actividadnan cu ta tuma lugar. Concentracion principal pa e evento ta na e stacion di bus nobo na San Nicolaas.

Pueblo di Aruba en general ta keda cordialmente invita pa asisti na e prome gran evento di CICLOVIA Aruba cu ta tuma lugar na San Nicolaas.



## Servicio di douane ta informa

SERVICIO di Aduana kier pone na conocimiento na tur esnan cu ta viaha pa exterior y cu probablemente a haci compras di articulonan di uso personal of pa negoshi pa nan tene cuenta na nan yegada pa ora nan declara nan mercancia

na Douane pa nan haci esaki debidamente. Pa e articulonan di uso personal cu cada pasahero (riba 16 aña) tin derecho ariba te cu un balor di 400,- florin, Douane lo desconta e 400,- florin, solamente si e recibo di compra

wordo muestra na Douane. Tene cuenta si cu e exoneracion di 400,- florin no ta conta pa mercancia comercial.

Un aviso ta bai na e pasaheronan cu tin un suma di mas cu 20.000,00 (20 mil) florin tin cu

declara e suma na momento di yegada of salida. Formularionan pa declara esaki ta obtenibel na cada oficina di e entradanan di Pais Aruba.

E deber di e pasahero ta pa duna douane e informacion

corecto di e montante di placa ariba menciona y e mercancia lokual nan tin den nan poder. Si e viahero no cumpli cu esaki, esaki tin como consecuencia cu e viahero lo tin cu paga e derechonan di importacion y lo haya multa y/o wordo deteni.



# Aruba Basketball Bond cu directiva nobo

## Campeonato A y B klas ta start



DIA 17 di maart ultimo den un reunion general, Aruba Basketball Bond a eligi un directiva nobo pa e sigiente dos añanan. Como presidente a keda eligi Luis Tromp, tesorero ta Lenny Geervliet, secrario ta Rudy Croes y comisario ta Percy Phelipa. E miembronan aki tin e tarea pa completa e directiva te na 7 miembro. Meta di e directiva nobo ta pa reorganisa basketball na Aruba unda cu juventud lo ta central. Tambe lo haci tur intento pa rebiba basketball femenino cu tin varios aña sin conoce un campeonato. ABB a start conversacion cu e bondnan di Corsow y Antiyas pa wak e posibilidad pa pone riba pia un campeonato entre e islanan, loke antes tabata Copa Antiyano Esaki por ta na nivel di team campeon of seleccion. E pensamiento tras di esaki ta cu lo hisa e nivel di basketball na Aruba y cu den un futuro lo por participa na torneonan mas pisa manera p.e. torneonan organisa pa Caribbean Basketball Confederation. Pa loke ta campeonato lo start cu esun di A y B klas diabierna dia 16 di april venidero. Esaki lo tuma luga na Aruba Juniors pa 7:30 di anochi. ABB ta recorda tur club miembro cu e contribucion anual y inschrijfgeld pa campeonato mester ta paga pa diabierna awor dia 9 di april. E-mail di ABB ta [arubabasketballbond@gmail.com](mailto:arubabasketballbond@gmail.com)



# Rio Sedan

Powered by Passion

- 1.4 ltr,
- 4 cylinder
- A/C
- Powersteering, lock & mirror
- Radio/CD
- ST/AT available
- Alloy Wheels (optional)

Starting at  
**Afl 28,500**  
+ bbo



*The Power to Surprise™*

**TOPCAR**

Caya Ernesto Petronia 21 | Oranjestad | Aruba | +297 582 1547

**AWE Mainta**  
noticia@awemainta.com  
**Tel: 583-1400**  
**Fax: 583-1444**



Parlamentario Evelyn Wever-Croes

## Situacion financiero di Pais Aruba ta deplorabel

Kico ta bai pasa cu empleadonan publico?

PARLAMENTARIO Evelyn Wever-Croes a duna di conoce cu segun diferente fuente den gobierno, no ta ningun secreto cu e situacion financiero di pais Aruba ta den estado deplorabel. Entradanan di gobierno a baha, no solamente debi na e rebaho di BBO, sino mas impuesto no a genera mesun sumanan cu a wordo spera. Departamento di Impuesto ya caba a bati alarma na gobierno cu lo no realisa tur locual a wordo presupuesta den prome instante.

Banda di esaki e gastonan di gobierno a subi drasticamente, especialmente gastonan di biahamento.

Siman pasa nos por a tuma nota den medionan di comunicacion cu gobierno tin pensa di hasi un fianza di mas di 400 milyon florin, pa cubri su deficit. Esakinan sigur no ta señal di gobernacion responsabel, pero mas bien ta muestra en realidad con deplorabel e situacion financiero ta. E informe aki a causa hopi consternacion, pasobra pueblo no ta di acuerdo cu mester bai hipoteca

nos pais pa paga debe di biahamento y fiestamento. Gobierno mientras tanto no por a presenta un presupuesto ainda, despues di 5 luna di gobernacion, cual ta algo sumamente alarmante. (Red: Nos tin entendi cu e presupuesto ya a wordo entrega na Parlamento - mira AWE**Mainta** di dia 6 di april - sra. Croes ta miembro di e organo aki, y dicen e no sa esey?)

Pueblo ta puntra su mes si nan lo haya e restitution di belasting, cu nan tin derecho riba dje, si situacion financiero keda asina deplorabel. Si no tin placa den caha di gobierno, con lo por paga tur e placa bek cu awor gobierno debe nos pueblo?

Esnan mas preocupa ta e empleadonan publico cu awor atrobe ta duda si nan ta haya nan vakantie uitkering y indexing e aña aki. Ya algun sindicato a manda carta pa gobierno, cu copia pa Parlamento, relaciona cu e topico aki, pero gobierno no a contesta ainda.



Bin cu bo bicileta diasabra 10 di april y

## Core trankil sin molester di trafico di motor

Riba e ruta di CICLOVIA Aruba

E evento di CICLOVIA Aruba cu ta tuma lugar diasabra awor dia 10 di april 2010 na San Nicolas ta duna e oportunidad na tur hende cu ta desea di core bicicleta riba caminda publico den tur trankilidad sin e molester di trafico di motor, e posibilidad pa haci esaki. Cu e actividad aki IDEFRE ta promove movicion en general cu e meta pa grandi y chikito participa. E ceramento di caminda pa CICLOVIA Aruba ta facilita na tur persona pa core nan bicicleta of siña core nan bicicleta na un forma responsabel riba caminda publico. Esaki ta posibel entre 4:00 p.m. y 6:30 p.m. riba e ruta di carnaval di mucha na San Nicolaas. Pa e ocasion aki ta cera e siguiente camindanan: Pastoor Hendrikstraat dilanti di Joe Laveist Sportpark bin zuid te na e area di stacion di bus, sigui pa Grensweg y Lagoweg te yega e caminda-T di Pastoor Hendrikstraat bek. Ful e block aki ta keda cera y por core bicicleta trankil, alabes disfruta of tambe participa na demas actividad cu tin rond di e grandioso evento di

CICLOVIA Aruba.



**HITNESS**  
HIGH TECHNOLOGY SALES & SERVICES N.V.  
DUTCH CARIBBEAN

HITNESS N.V.  
Arendstraat 124  
Tel : +297 - 588-5966  
Fax : +297 - 588-5895  
Email : info@hitess.com

**Special on Gate Openers**

**DEIMOS Kit**

120 V

- 1 BFT DEIMOS motor
- 2 Remote Controls
- 1 pair of Photocells
- 1 Blinker with Antenna
- 4 Plastic rack of 1m

**For Sliding Gates**

**AFI.**

**1,150.00**

**Opening hours:** Mon-Fri 8:00 am - 5:30 pm  
Sat 8:00 am - 12:00 pm

**Call us at 588-5966**



# Hut Predators.... Nunca conta nan afo...

MILAGER ta existi den billiard tambe, esey ta locual e conocido ekipo HUT PREDATORS a demostra den e fin di siman grandi di billiard cu a tuma lugar na Classic Billiard. Diasabra atardi 5'or shete ekipo ta presenta na Classic pa start e torneo cu tawata un warm-up pa locual ta campeonato 2010. Technico's ta haya un bye y ta pasa pa segunda buelta. Maddogs den un bataya fuerte ta dal Cuervo. Baddogs den un forma hopi mas facil ta pasa riba Bob-Cat Masters. Na mesa #1 sorpresa ta cai "donjo di cas" Classic Billiard ta sali bai laga Hut Predators y ta corona cu 5-1 riba e "galacticos" nan di billiard. Buelta ganador ta continua y Classic ta manda Baddogs pa losers y Maddogs tambe ta manda Technico's pa losers round. Mesun anochi den losers round Hut Predators no meste hasi mucho cos pa elimina Bob-Cat Masters. Diadomingo pa 5'or di atardi acshon ta continua y aki Hut Predators cu 5-1 ta elimina Technico's y Baddogs ta cai cu 5-2 contra di Cuervo. Pa 9'or tin mas acshon ora Classic Billiard manda Maddogs pa banda robes di e schedule y Hut Predators hasi locual niun hende no ta spera....of Terrible ta hasi locual niun Cuervo por a spera..... mucha nan di Pool palace cu henter e wega a pasa cu ventaha ta jega "hill hill" 4-4 cu nan estelar "Terrible from Catire" Jorge Petrocchi vs Wilfred "The Sultz" Tromp... Jorge ta pika 1-0 y ta haya rack #2 pa caba cos... (mayoria di



Predators ya a bandona e tent" pero milagrosamente Sultzs ta empata na uno... cu score 1-1 Terrible ta jega na bola-8 straight in pa manda Cuervo den semi-final, pero un rosea fuerte ta pasa y Petrocchi ta bati bola-8.... Wilfred sin pordona ta plok 8 y ta cambia di The Sultz pa The Saviour.... Dialuna semi-final ta sigi cu Maddogs vs Hut Predators, y di trempa por sinti cu e Predators nan a haya un segundo rosea y lo por crece di tormenta pa horcan. Cu 5-1 Hut Predators ta basha Maddogs a bow y atrobe Wilfred Tromp ta gana e ultimo wega y di The Saviour ta bira The Closer. Pa 7pm Final ta start. Master di Classic Billiard ta habri cu Ronald "tico" Geerman, pero Pegi tawata skerpi y Predators ta bai 1-0 ariba. "U.S.A. Star" Robbert "Buchi" Cox di biaha ta dal Edwin "Kwek" Chirino pa e wega empata na uno. Otro "Clas-

sic International" Martin "The Dutchman" Appeldoorn no ta perde tempo y tambe ta troce "Super Marc" Farro pa Classic bai 2-1 dilanti. Hungadornan di Classic ta bai mane den un ambiente di "Victory", pero di biaha Dufi Ras ta pone Vigo "op zijn plaats" y wega ta empata 2-2. Pilar di Predators Arie "The Rifleman" Jansen ta dal un otro rookie di Classic "Oortjie" y Hut Predators ta tuma ventaha 3-2. A la Holly-wood "Psychoman" ta hasi su come-back ora e subi mesa pa Hut Predators... na otro banda Classic ta manda su estelar "Zero-Thunder" Allan van Aanholt pa empata e wega. Pero "cuarto bate" y alaves "heroe" di decada, Ransley Tromp ta bons-back di 0-1 pa dal Allan 2-1 y manda Hut Predators na 4-2. Master Ryan sin pensa dos ves mester bula fo pa corta ventaha... Hut Predators ta bai cu nan Closer nobo, per Rampersaud no ta come cuento y ta "vreet" la salsa pa e wega bira 4-3. Un otro soldad di mil Guerra ta subi tereno pa Hut Predators "Le Bonske" Elvis Evertsz ta hasi "kleine werk" di Leo Alacantara pa Hut Predators trece aden otro titulo na nan lista largo di exito. Drinks nan ta cuminsa corre rond ya cu propetario di Pizza Hut ta satisfecho. BUDWEISER y CLASSIC BILLIARD a sa di hinca un bon evento den otro y asina lanta e expectativa di Campeonato 2010 cu lo start sali 12 di Mei. Pa cualkier informashon por manda e-mail na [poolinaruba@poolinaruba.com](mailto:poolinaruba@poolinaruba.com)



FORUM PUBLICO

## BO OPINION

NOORD • TANKI LEENDERT • ORANJESTAD • PARADERA • STA. CRUZ • SAVANETA • SAN NICOLAS

TOWN HALL MEETING

### INVITACION

Ora	:	7:30 pm - 9:30 pm
Fecha	:	6 di Mei 2010
Lugar	:	YMCA - San Nicolas
Invitadonan	:	Prome Minister Mike Eman Minister Mike de Meza Minister Benny Sevinger

Pa medio di e invitacion aki, henter Aruba, en particular pueblo di San Nicolas y vecindario, ta keda cordialmente invita na pa e prome forum publico, jama "Bo Opinion" na San Nicolas. E forum aki ta basa ariba e estilo di un "Town Hall Meeting" y tin como meta un discurso habri entre e pueblo y su gobernacion.

Lo tin oportunidad pa trece bo preocupacionan dilanti relaciona cu comunidad en general of especificamente na bo barrio, hasi preguntanan libremente of comunica bo opinion na e minister-nan presente..

Cu e forum publico aki gobernacion kier trece e pueblo mas serca di nan mandatarionan y vice-versa. Asina aki, por haci posibel cu preocupacionan di pueblo di Aruba por jega mas liher y di un manera efectivo na conosimento di Ministernan y Prome Minister en particular.

Entrada pa e Town Hall Meeting lo ta liber.

Pa mas informacion  
[boopinionaruba@gmail.com](mailto:boopinionaruba@gmail.com)



NEW

# SPICY

**CHICKEN  
SANDWICH  
WITH BOOM BOOM SAUCE**



**SPICY or not SPICY?**  
Have it your way.®



# Un Era nobo pa Pepsi na Aruba



**COMO** un “NEW BEGINNING” e gerente di Pepsi pa nos región a califica e transición di Pepsi pa e empresa local De Veer and Son N.V. Cu e decisión strategico aki, Pepsi ta sigura distribución di productonan di calidad den nos mercado, cu un standard

di calidad halto internacional, fabrica den nan planta ‘State of the Art’ situa na Florida. E capacidad di producción di e fabrica aki ta ser complementa cu otro planta, igualmente bon equipa y cu calidad mundial, situa na Puerto Rico, pa sumin-

istra e islanan grandi y chiquito den Caribe.

Uniendo distribución di Pepsi na esun di GATORADE y otro productonan di PEPSI bao di un solo dak, awor por introduci mas productonan cu e grupo industrial aki ta produci caba, den

nos mercado. Antes varios otro refresco no por a bin Aruba, pasobra cu e tabata competi cu productonan di e fabrica local.

Cu e cambio grandi aki, Pepsi tambe lo introduci su logo y imagen nobo pa nos comunidad. Ya por a mira esaki den propaganda den medianan.

E distribuidor local nobo, De Veer and Son N.V. a cuminsa opera comercialmente den anjanan 30, cu un panadería comercial na San Nicolas di Gerard De Veer. Durante añanan a crece hunto cu e mercado di Aruba y den añanan 90 nan a muda for di nan sede na Eagle pa un edificio grandi y moderno na Wayaca. Pepsi lo opera desde e edificio renoba y moderniza, situa den Rondweg # 121 na Dakota. Como gesto di agradecimiento pa e sosten di Aruba, Pepsi lo traha un cancha di Basketball dilanti di nan sede nobo pa e hubentud di Dakota. E producto di Pepsi lo carga un prijs internacional stabil, sin core peliger di aumento di costo

pa motivo di prijs di awa mas halto of pa motibo di petróleo of variación di calidad.

Pepsi lo bay introduci den mercado un cantidad grandi di cooler completamente nobo pa su rebendedornan. Nan ta cooler cu no ta usa e gas FREON, cu ta afecta nos capa di Ozone di nos atmosfera. Na di dos lugar, e coolernan nobo aki ta gasta hopi menos coriente cu esnan di antes, dunando asina un contribución na baha gasto di operación di e rebendedornan. No solamente e coolernan nobo di Pepsi ta funciona “Green”, cu mas eficiencia y menos contaminación di freon, sino tambe tur equiponan nobo di machine di Postmix di refresco y di bebida frieu. Tur cooler y equipo nobo di Pepsi ta bin cu e logo y e imagen nobo y moderno di Pepsi. PEPSICO ta masha contento cu e cambio grandi cu a tuma lugar den mercado di Aruba. E ta un oportunidad pa cuminsa un era nobo y positivo.



# TUR COS TA NOBO



**DISTRIBUIDOR NOBO DI**



Rondweg 121, Dakota



# Yasmine Allas den Festival Literario 'Crusa Lama'

**CRUSA** Lama ta un festival literario internacional, den cual autornan y poetanan di Libanon, Maleisia, Somalia, Hulanda y Aruba ta topa y ta presenta un seleccion special for di nan obranan. E festival ta diadomingo 18 di april den cura di Dept. Arubiana di Biblioteca Nacional Aruba pa 7 or di anochi.

For di Hulanda ta spera e autora Yasmine Allas (Somalië, 1967). Yasmine a hui na 1985 pa exterior y a yega Hulanda na 1987. Prome su ambicion tabata pa bira actor, pero awendia e ta conoci principalmente como escritora. Den su novela mas recien, Een nagelaten verhaal, e ta conta di un hende muher, cu riba invitacion di un producente

di documentario, ta bolbe su pais natal despues di 23 aña. E ta bira un experiencia emocional, ora cu e ta ripara cu e pais a keda destrui y no a keda casi nada di su pasado.

Allas regularmente ta contribui na e debate publico na Hulanda. Su buki Ontheemd en toch thuis (2006) ta un coleccion di essays di bida den e escena multicultural na Hulanda. Esakinan a keda publica den Volkskrant. Allas ta habri den su comentario y sa duna critica caminda mester. Den su opinion, fanatismo den religion ta un problema grandi cu mester combati. Situacionnan inhusto ta hunga un rol den su obranan, ya caba for di su prome novela Idil, een meisje (1998). Den e ultimo novela aki e ta describi e bida pisa di un mucha muher na



Somalia. Tambe e ta cuestiona 'vrouwenbesnijdenis'. Un y tur ta bon bini na e festival

literario Crusa Lama. Carchinan lo ta na benta pa cinco florin na Biblioteca.



## ANUNCIO

SETAR N.V. ta informa usarionan di telefonnan celular GSM cu debi na trabou di mantencion riba e sistema di GSM lo por tin interrupcion di servicio;

**diabierna 9 di april 2010  
entre 3:00 am y 5:00 am**


### Your second largest investment, protect it.



Studies show that your car is your second largest investment next to your home. You owe it to yourself to protect it with the best security.

#### State-of-the-Art Vehicle Protection

Professional thieves thrive on the everyday vehicle owner; especially those whose vehicles are not protected with adequate anti-theft devices.



7 days a week, assisting you with police notification in the event of a stolen vehicle occurrence.



Authorities are provided specific location by the call center agents of Invest Secure leading to faster recovery.



Tel. 582 7252  
insec@setarnet.aw

## Presidente di SINBA David Roza satisfecho despues di reunion cu Premier Eman



**PRESIDENTE** di sindicato SINBA sr.David Roza a pidi un reunion urgente cu Prome Minister di Aruba mr.Mike Eman mirando e situacion penoso cu Brandweer ta den y cu seguridad di Aruba y su bishitantenan ta na peliger. E autonan di Bombero ta bieu y pa hopi tempo no a haya e atencion necesario. Un tras di

otro nan ta dunando problema. Sr.Roza a conta cu ayeramainta mes un di e autonan di Bombero na Tanki Flip a dañá y no tabatin otro unidad pa cubri e trabou pabou di brug. Un situacion cu no por sigui pa mucho tempo mas. Prome Minister tambe ta haya cu mester bin un solucion rapido y den un tempo cortico lo cumpra tres auto pa Cuerpo

di Bombero. Sr.Roza a keda masha satisfecho cu e promesa aki ya cu dor di e situacion den Brandweer e empleadonan ta demotiva ultimo tempo y e noticia aki sigur lo trece cambio den esaki. Un otro asunto cu e sindicato a trece dilanti ta e problema di "vergrijzing".

Di 2010 pa 2015 riba 30 bombero ta bai cu pensioen. Den un reunion anterior cu Minister di Husticia Dowers el a priminti e sindicato cu den e presupuesto lo pone pa emplea mas o menos 15 hende pa cubri e trabou. Den e reunion ayera cu Prome Minister Eman e asunto aki a wordo discuti tambe y el bisa cu lo cuminsa tuma hende den servicio di Brandweer pa tur cos cuminsa cana mas lihe posibel. Presidente Roza di sindicato SINBA ta bisa cu nan lo mester di mas di 3 miyon florin pa compra di auto so, sin conta personal y otro material. Na final sr.Roza a gradici e miembronan di SINBA pa nan pasenshi y cu awor nan por ta satisfecho ya cu tin un lus na horizonte.



# Internacional

## Rescatistanan ta manda señal pero no ta haya contesta di mineronan atrapa na Virginia



EKIPONAN di rescate a perfora e mina di carbon caminda 25 persona a muri den un explosi3n, pero nan no a haya contesta di posibel sobrevivientenan ora nan a bati e tubo di perforacion pa manda se1al. Nan ta pendiente pa tres instalacion di ventilacion pa saca gasnan toxico y permiti entrada di rescatistanan tras di cuater persona cu ta sigui desapareci

den e peor accidente minero di Merca den mas cu dos decada. Gobernador Joe Manchin a bisa cu e ekiponan di rescate a bati e tuberia di perforacion pa 15 minut cu e speranza cu esaki ta wordo scucha bao tera. 'Nos nos haya nungun contesta', Manchin a informa den un reunion ayera mainta. Funcionarionan a laga sa cu nan tin intencion di causa un explosi3n

chikito ariba na tera pa manda un se1al s1smico pa e mina.

E empresa cu ta maneha e mina, Massey Energy Co., regularmente ta haya multanan fuerte pa violacion di seguridad, incluyendo e problemanan recien cu e sistema di ventilacion cu ta saca gas metano combustibel. Den ultimo a1a, inspectornan federal a propone mas cu \$ 1



miyon na multa pa violacion di e mina. Solamente 16 por ciento a wordo paga. Den un entrevista diamars, e CEO

di Massey, Don Blankenship no a duna importancia na e relacion entre e sistema di ventilacion y e accidente.



### PARTICIPACION

SETAR ta informa tur cliente cu e ultimo fecha pa paga cobranza di Telefon, Cellular, Internet y Cable ta

**diahuebs 8 di april 2010**

Nos kier recorda nos clientenan cu ta paga cobranza di telefon, celular y Internet online pa nota e number di cuenta pa por procesa e pago debidamente. E number di cuenta ta consisti di 16 cifra y ta aparece na e barcode mas abou riba e cobranza.

#### Orario di Teleshopnan ta:

Teleshop Seroe Blanco di dialuna pa diabierna di **07:45 am – 4:00 pm**

Teleshopnan di Santa Cruz, San Nicolas, Palm Beach y Iraisquinplein

dialuna pa diasabra di **9:00 am – 5:30 pm**

Pa informacion tocante telefon, celular of internet por yama 114 of 139 of pasa libremente na cualke di nos Teleshopnan.

#### Orario Oficina di Cable: di dialuna pa diabierna di **8:00 am – 4:30 pm**

Por paga e cobranza di servicio di cable na nos oficina na Caya Betico Croes 200, na Teleshop San Nicolaas y tambe online. Clientenan cu ta paga online corda nota e number di cuenta cu ta consisti di 6 cifra cu ta aparece riba e cobranza.

**Pa informacion tocante di servicio di Cable por yama 583 7000.**

## Gobernador ta pidi tent pa damnificadonan di temblor

E gobernador di Baja California, Jos3 Guadalupe Osuna Mill3n, a bisa cu e mas cu cinco mil famianan cu a resulta damnifica pa e temblor di 7.2 grado di diadomingo ultimo lo biba den shelter pa varios siman.

E mandatario estatal a bisa cu pa e motibo ta solicita ayudo den forma di tent y colchon, ya cu alimento, awa, pa1a y articulonan basico cu e mas cu 25 hendenan tin mester ya a wordo suministra. 'Caminda si nos tin mester di ayudo ta cu tent, pasobra hopi di e hendenan aki lo biba den un centro di asistencia pa varios siman, mientras nos ta construi e viviendanan nobo pa casi cinco mil famia', e1a bisa den un entrevista.

E1a splica cu e1a haya apoyo di



Conferencia Nacional di Gobernador (Conago) y p'esey e no a emiti un solicitud di apoyo nacional.

'Nos a haya masha hopi ayudo pa solidaridad di e pueblo Mexicano, y nos kier administra esaki

na un forma corecto'.

Osuna Mill3n a agrega cu a habri tres shelter, cu ta ubica na Tijuana y Ensenada, adem as a yega ayudo di e estadonan Sonora, Chihuahua, Quer3taro, y Sinaloa, entre otro.





**Ciclovía ARUBA**  
XTREME - H - LIVING

**Prepara bo:**

- Bicicleta
- Skateboard
- Rollerblades
- Jogging Shoes

**Kico ta ciclovía?**

Ciclovía Aruba ta un programa deportivo unda ta sera caminda /cayanan pa trafico di motor y asina permiti nos comunidad hasi actividadnan fisico manera canamento, coremento, skating of core bicicleta riba caminda (sin peliger di trafico).

**Ruta**

Joe Laveist Sport Park  
Pastoor Hendrickstraat  
Bernhardstraat  
Lagoweg  
Grensweg  
Hasi deporte  
Canamento  
Arubus  
Core bicicleta Polis  
Coremento  
Ehercicio Polis

**Tambe lo tin zumba y les di Aruba salsa!**

**Fecha:**  
Diasabra, 10 di april 2010

**Orario:**  
4:30 pm pa 8:00 pm

**Ruta:**

- Joe Laveist Sport Park
- Grensweg
- Lagoweg
- Bernhardstraat
- Pastoor Hendrikstraat (Ruta di Carnaval di mucha)

E curason di e actividad ta na Centrale Busstation di Arubus na San Nicolaas.

Pa mas informacion tuma contacto cu IDEFRE na telefoon: 582-4987

Logos: DESPA, WildFit, SERLIMAR, DOW, Departamento di Asunto Social

## Cuater morto den temblor na Baja California



MÉXICO - Secretaría (Ministerio) di Defensa Nacional (Sedena) a informa ayera cu tin cuater victima mortal y cien herido den e temblor di 7,2 grado Richter cu a sacudi e estado Mexicano Baja California diamars ultimo.

"Te awor tin un toal di cuater morto y 100 herido sin complicacion grave", Sedena a laga sa den un comunicado, den cual nan ta duna detaye di aplicacion di e Plan DN III-E di apoyo na poblacion den situacionnan di desaster den e ciudadnan Mexicali, Tijuana, Tecate y na San Quintín. Sedena no a duna detaye di e cuater mortonan. Autoridadnan di Baja California den oranan di mainta a bisa cu tabatin dos morto y mas cu 200 herido.

Atardi, durante un bishita na Baja California, e presidente mexicano, Felipe Calderón, a menciona durante un acto di



evaluacion di daño cu probablemente lo tin un di tres victima mortal di e temblor, y cu e lo a muri "pa causa di un infarto".

Di otro banda, Gobierno Mexicano ayera a declara Mexicali, capital di e estado Baja California, den estado di emergencia pa motibo di e temblor, cu e meta pa e estado haya e recursonan pa atende cu e necesidadnan basico di e poblacion

afecta.

E Ministro di Asuntonan Interno a bisa den un comunicado cu e Declaración di Emergencia ta permiti autoridadnan di e ciudad ey dispone inmediatamente di recursonan di e Fondo di Desaster Natural (Fonden). E temblor di 7,2 grado cu a tuma lugar diamars tabatin su epicentro na 18 kilometer di Mexicali y desde e momento ey tabatin mas cu cien replica.



GANANA NA CRYSTAL & SEAPORT CASINOS

# 6 AUTO DEN APENAS 4 LUNA!



**JUDITH  
MONCADA**  
3 di April, 2010



progressive prize:  
**FORD MUSTANG**

casino:  
**CRYSTAL CASINO**



**PONIMIN  
AMATSARIP**  
3 di April, 2010



progressive prize:  
**CHEVROLET AVEO**

casino:  
**SEAPORT CASINO**



**TERESA  
BERROA  
HERNANDEZ**  
10 di Maart, 2010



progressive prize:  
**SUZUKI SWIFT**

casino:  
**SEAPORT CASINO**



**MARIO  
MADURO**  
18 di Februari, 2010



progressive prize:  
**FORD MUSTANG**

casino:  
**CRYSTAL CASINO**



**MANUEL  
CANDELARIO  
DE LA CRUZ**  
30 di Januari, 2010



progressive prize:  
**CHEVROLET AVEO**

casino:  
**SEAPORT CASINO**



**BUFORD  
YOUNGBLOOD**  
22 di Januari, 2010



progressive prize:  
**FORD MUSTANG**

casino:  
**CRYSTAL CASINO**

POSIBEL SOLAMENTE NA

**CRYSTAL & SEAPORT CASINOS!**



# Preocupacion di Merca pa compra di arma ta cinico segun Chávez

**PRESIDENTE** Hugo Chávez a bisa cu e preocupacion di Merca pa e posibel compra Venezolano di arma Ruso ta “cinico” pasobra nan ta gasta mas na armamento cu henter resto di mundo.

“Si nos suma e gastonan militar di tur pais di mundo ainda esaki ta mas abao cu e gasto militar di Merca, y nan tin e curashi pa critica nos pasobra nos ta fortaleciendo nos capacidad di defensa”, Chávez a bisa desde Palacio Miraflores, sede di Gobierno, den un conexión cu e canal estatal Venezolana de Televisión. E declaracion di e presidente a responde na declaracionnan di e vocero di Departamento di Estado, Philip Crowley cu a muestra preocupacion cu e ekiponan cu Venezuela por compra bay para na “otro caminda den e region”. Crowley tambe a bisa cu su Gobierno no por evita di puntra su mes “ki necesidad di defensa legitimo Venezuela tin pa e ekipo aki”. Chávez a reacciona riba e pregunta di e funcionario Mericano y a responde “wel, nada mas cu e menaza imperial, di nan mes”. Venezuela tin un linea di credito

aproba di Rusia pa 2.200 milyon dolar pa adquisicion di armamento, pero prome ministro Ruso, Vladímir Putin, cu tabata na Caracas dia 2 di april, na su regreso na Moscu a papia di posibel pedidonan pa mas cu 5.000 milyon dolar. Venezuela a bira e principal cliente di Rusia pa ekiponan di guerra despues cu Merca a nenga di entrega e pais pieza y otro arma pa mantene of actualiza nan inventario. Te awor e compra Venezolano di avion, helicopter y rifle a yega na como 4.000 milyon dolar.



## Gobierno Colombiano lo protesta detencion di 8 ciudadano

**PRESIDENTE** di Colombia, Álvaro Uribe, a anuncia cu e lo manda un carta di protesta pa Venezuela pa detencion di ocho colombiano cu ta wordo acusa di actonan di spionahe. Den declaracionnan haci na e emisora ABC di Barranquilla, Uribe a bisa cu tambe e lo “pidi vigilancia di organismonan internacional pa e derechonan humano di e compatriotanan deteni na Venezuela no wordo viola”.

Uribe a referi na otro episodionan den cual ciudadanonan Colombiano a wordo deteni Of. Haya morto na Venezuela y a enfatiza: “nos no por permiti cu colombianonan ta wordo persigui pa nan nacionalidad”. Den e ultimo lunanan a keda reporta desde Venezuela, mas di binti caso di morto di colombiano den diferente circunstancia y Gobierno di Uribe, segun a wordo denuncia na varios ocasion, ainda no a haya informacion di e investigacion cu a wordo haci pa aclarea e sucedido.



“Na Venezuela varios colombiano a muri, y e unico cos cu a wordo bisa ta cu nan ta paramilitar. Te awe Gobierno Colombiano no a haya ningun indicacion cu ta vincula nan cu paramilitarismo, ni con nan a muri, si esaki tabata legitimo o tabata un violacion di nan drechonan humanos”, e la bisa. E ministro di Asuntonan Interno y di Husticia, Tareck El Aissami, a bisa cu e ocho colombianonan deteni ta wordo acusa di spionahe pa sabotea instalacionnan electrico na Venezuela. El Aissami a bisa cu e nacionalidad di e ciudadanonan aki “ya

ta motibo pa preocupacion” y a bisa cu e acusacion ta basa riba e hecho cu a confisca camara di e detencionnan cu ta contene foto di instalacionnan electrico den e pais como tambe di e infraestructura di caminda.

Di su banda, Uribe a bisa cu esnan deteni ta pertenece na un famia biba na Venezuela pa hopi aña caba y cu nan tin un fabrica di icecream y cu nan momento cu nan a wordo deteni nan tabata “practica turismo”.

Pa loke ta e declaracion di Gobierno Venezolano cu e detencionnan tabata pertenece na ehército Colombiano, Uribe a bisa cu solamente dos di nan a traha na un “instalacion militar na Medellín”, den departamento di salud.

Di su banda, Milena Bedoya Giraldo, yiu muher di un di e detencionnan y prima di otro tres, a bisa na e emisora Caracol Radio cu e investigacion cu ta tumando lugar riba nan ta basa “riba suposicion”.

## Arizona ta pidi ayudo militar pa frontera cu México



**Gobernadora di Arizona, Jan Brewer.**

**GOBIERNO** di estado Arizona a solicita mas recurso federal na frontera cu México pa frena e trafico di hende, droga y arma. Den un carta pa presidente Barack Obama cu a wordo publica diamars, gobernadora Jan Brewer a bisa cu e caminda y lugar no habita di Arizona a bira algun di e principal pasonan pa inmigración ilegal y contrabando di armas y droga. Brewer a solicita mas elemento di Guardia Nacional na frontera pa fortalece seguridad y asisti e personal di Aduana y Proteccion Fronterizo.

E gobernadora ta pidiendo incorporacion di 250 efectivo pa aumenta e Cuerpo Conhunto contra Narcoterorismo di Arizona na como 400 elemento, como tambe un otro contingente di soldad y piloto di Guardia Nacional Aereo.



# Mas cu 15 morto den protesta di oposición na Kirguistán



Protestanan contra gobierno a extende den henter Kirguistán ayera, ora miles di manifestante a asalta e principal edificio di gobierno, cende e oficina di procurador na candela y sakea e sede di televisión estatal, causando enfrentamentonan cu a laga por lo menos 17 morto y 180 herido, gobierno a informa.



E protestanan, causa pa corrupcion oficial y un aumento recien di e tarifanan di combustibel, a menaza cu destabiliza e antiguo nacion Sovietico di Asia Central, caminda tin un base militar Mericano di abastecimento pa e forzanan cu ta lucha contra Talibán na e pais bisiña Afganistán.



E manifestantenan a marcha bay ministerio di asuntonasn interno, segun reporteronan di Associated Press cu ta na e lugar. Polis a los tiro pa aleha e multitud di e edificionan di gobierno.



E activista opositor Shamil Murat a bisa AP cu e ministro di asuntonan interno, Moldomusa Kongatiyev, a muri golpea pa un multitud na Talas, e ciudad de occidente di e pais caminda e protestanan a cuminsa un dia prome.



E vocero di ministerio di Salud, Yelena Bayalinova, a bisa cu 180 persona a resulta herida ayera, pero e no a duna detaye.



Oposicion a priminti pa desafia e represion inicia pa e presidente autoritario Kurmanbek Bakiyev. E presidente no a aparece den publico ayera y su paradero ta desconoci.



E activista opositor Toktoim Umetalieva a bisa cu 17 persona a muri ora polis a los tiro cu municion di guerra. Un funcionario di gobierno, cu a papia bao condicion di anonimato, a confirma e cantidad di morto.

E manifestacionnan cu a converti den disturbionnan violento a sigui otro protestanan, caminda e masa a asalta un edificio di gobierno, y a retene e gobernador local como rehen.





# Brunch familiar di Pasco Grandi na Tierra del Sol

**VENTANAS** Del Mar a ofrece cuminda internacional cu un 'zing', ora cu e gran evento familiar a tuma luga diadomingo di Pasco Grandi.

E buffet a inclui hopi di e restaurant su specialidadnan, entre otro, salada, sopi, faboritonan di desayuno, e chef su platonan principal signatura di pisca fresco, porco y tenderloin, acompañaante excitante y un

surtido decadente di pasaboca, sirbi cu mimosa y fruit punch. E entretenimento en bibo tabata den man di Angelo Koolman, kende a presenta cu bista di California lighthouse su tras. Ventanas del Mar restaurant lo ta organisando un evento festivo na honor di Dia di Mama, cual ta e fecha confirma pa e siguiente Gran brunch familiar na Tierra del Sol.





# Tania Wever a gana cu Pin2Win di SETAR



E campaña di SETAR ta Pin2Win ta bayendo hopi bon mes. E participantenan ta varia di tur edad ya cu casi tur cliente di SETAR ta haci uso di oportunidad di PIN otro y awor por pin SETAR e compania nr. 1 di Aruba pa nan gana premio hopi atractivo. Tania Wever a resulta di ta un otro ganador di SETAR na

unda ela ricibi e premio di 3 luna di abbonement di BlackBerry Gratis.

Sigur esaki a cai na su agrado ya cu SETAR semper ta duna su abonadonan algo bek!

Pabien ta bai na Tania Wever cu su premio di PIN2WIN.



## Jorzihno "Gucci" Everon campeon nacional hubenil Bola-9

SIMAN pasa Federacion di Biljart Arubiano a organisa su promer campeonato nacional pa hoben naci na 1991 of despues. Den promer buelta, Aron Jansen ta gana Alderson Giel 5-3, Jorzihno Everon ta gana Jason Kock 5-3, Stephan Acosta ta gana Reginald Henriquez 5-2, Stargel de Cuba ta gana Miguel Wernet 5-0. Siguiendo den buelta di ganador Aron Jansen ta gana Luis Kock 5-3, Jorzihno Everon ta dal otro favorito Jorshua Ras den un wega preta 5-4. Cos ta bira mas interesante y Stephan Acosta ta gana Aron Jansen 5-3 y Jorzi-

hno Everon ta gana Stargel de Cuba 5-2. Semi final Jorzihno Everon den un wega tight tight ta manda Stephan Acosta losers round 5-4 y Jorzihno ta bai sosega pa warda e wega final. Den buelta di perdedor, Jorshua Ras ta elimina Anderson Giel 4-1, Jason Kock ta elimina su ruman Luis Kock 4-1, Jorshua Ras ta elimina Miguel Wernet 4-0, Jason Kock ta elimina Reginald Henriquez 4-1. Jorshua Ras ta sigi cu su rally y ta elimina Aron Jansen 4-1, Jason Kock tambe ta manda Stargel de Cuba cas cu 4-1. Den un bataya di favorito Jason Kock

ta elimina Jorshua Ras 4-2 pa e bai topa Stephan. Pero Acosta ta tumba Jason Kock 4-2 pa e haya su revancha cu Jorzihno Everon den final. Den un final di bon nivel, y basta pareu te na 4-4, Everon ta demonstra superioridad y ta gana Stephan cu 7-4. Jorzihno "Gucci" Everon ta logra su prome triunfo grandi. Classic Billiard cu tabata host di e bunita evento pa nos hoben nan, lo start pronto cu un "9-ball Youth Tour" riba diadomingo... hobennan, keda pendiente pa e serie di torneo nan cu ta na caminda.



## Aruba Bank ta ofrece pueblo hipoteca pa compra, construccion of refinanciamiento di cas y paga despues di seis luna



ARUBA Bank ta sumamente contento cu e reaccion di e pueblo di Aruba riba e campaña di Mortgage Savings; sera un hipoteca awor, na un interes

reduci, y cuminsa paga despues di seis luna. Recientemente Aruba Bank a lansa su campaña pa promove compra, construccion of refinanciamiento di cas.

E incentivonan cu esaki a bini cune a trece reaccion mesora cerca clientenan di e banco pero tambe otronan cu tabata interesa den e campaña p'asina

realisa nan soño.

Loke cu a haci e campaña interesante y atractivo ta e interes reduci cu ta wordo aplica, den combinacion cu otro incentivo manera e hecho cu despues di sera e contrato di hipoteca, ta cuminsa paga despues di seis luna. Awor e campaña aki ta permiti e cliente realisa dobel di su soño, pasobra e placa cu normalmente e lo mester paga na hipoteca durante seis luna largo, e por spar esaki pa realisa p.e. un biaha pa Disney World. Den e campaña aki Aruba Bank a pensa riba tur tipo di cliente: esun cu tin su cas caba cu kier renobe of amplie y esun cu no tin cas propio, pa construi esun di su soño, of cumpra uno existente.

Di e personanan cu a acudi na un di e filialnan di Aruba Bank, casi tur a dicidi di bay den e oferta unico aki cu Aruba Bank ta ofrece, pasobra no ta algo cu bo ta haya tur dia.

Aruba Bank ta invita tur persona interesa pa haya nan mesun cas of drecha esun cu nan tin awor, pa pasa na un di e filialnan di Aruba Bank situa strategicamente rond Aruba pa busca informacion. E personal amable lo duna tur hende un splicacion amplio y di con ventahoso e campaña aki ta. Un campaña unico cu ta na Aruba Bank so bo por haye.

Aruba Bank ta conoci pa su campananan masha inovador y cu ta hala masha atencion y esaki ta otro di e campananan.



## Soul Beach Music Festival 2010 ta presenta celebridadnan top

### Durante “Memorial Day Weekend”



E aña aki Soul Beach Music Festival lo ser presenta e aña aki pa Aruba y otro partnernan energético y electrificante den e mundo di entertainment. Y tin un “line up” pa complace tur hende y lo exita e publico cu ta gusta música di R&B. Manera e dicho ta bisa “pump up the iron” nos lo bisa “pump up the music” ora Aruba ta sede di e di diez (10) edicion di Soul Beach Music Festival. Cual ta e di shete (7) edicion na Aruba.

Cu un line-up excitante di tal-entonan hopi bon conoci den e mundo di artistico na Estados Unidos por bisa cu Aruba ta honra pa mira den concierto ganador di seis (6) grammy awards y shete (7) multi platinum award esta Mary J. Blige como tambe e ganador di cinco (5) grammy awards e extra ordinaria Toni Braxton, e sensación R&B multi platinum Joe Thomas, e nominado pa grammy cantante y compositor e genio Raheem DeVaugh como tambe e actor y comediante Kevin Hart cu lo derocha talento y inspira tur presente cu su bon presencia ariba stage cu lo hasi su debut den e di 10 edicon di Soul Beach Music Festival.

Diferente di e añanan anterior e aña aki e conciertonan lo tuma lugar den Joe Laveist Sportpark na San Nicolas y e anochi di “comedy” lo tuma lugar den Aruba Entertainment Center. Evento presenta pa Gobierno di Aruba lo tembla Aruba ora cu pa 5 dia largo di 26-31 di mei lo presenta actividadnan den dia y anochi tanto pa turista como local. E 5 dianan di actividad

aki ta encera “beach parties”, “concerts” y “after concert parties” na diferente clubnan nocturno di Aruba.

Mescos cu tur aña ta garantiza entretenimiento total pa fanaticonan di musica Soul, Hip-Hop, R&B y Zouk.

Organisadornan ta spera di hala bastante turista durante e dianan aki, kendenan lo bin bishita nos pais y goza di su beyeza mientras cu nan ta wordo de-

tur lo duna Aruba “The Best” den nan presentacion.

E transmisión “live” di varios radio emisora manera di Los Angeles KJLH, Washington DC WHUR y New York, Charlotte y ABC Network cu lo ta den acción cu celebridad di radio lo ejecuta entrevistanan en vivo di e localidad aki na Aruba. Tur esaki lo conecta miles di Americano cu no por a viaha pa atende e evento cu Aruba y tur ta promocion pa Aruba.



**Chris Spencer**

leita cu e tremendo ambiente di e festival tanto den dia y anochi después di cada anochi di concierto lo bai tin “after party” na varios club nocturno organisa pa Soul Beach pa entretene tanto nan bishitantenan y nos hendenan local. Tambe e combinación di artista invita e aña aki ta fabuloso y nan ta sigur cu

Diabierna 28 di mei: Aruba Entertainment Center Diabierna lo ta e “Comedy night” cu lo tuma lugar den Aruba Entertainment Center y pa prome biaha lo bai tin un “showcase” di varios comediante patronisa pa Shaquille O’Neal y lo presenta como co-



**Toni Braxton**



**Joe Thomas**

mediante principal Kevin Hart y Chris Spencer.

Kevin Hart Su participación den shownan grandi a habri caminda pe por participa den peliculan manera “Paper Soldiers”, “Scary Movie 3 & 4”, “Along Come Polly”. Hart a sirbi como

escritor, co-produce y strea di e sitcom na ABC na 2004 “The Big House”.

Na 2005 e la gana e Platinum Mic Viewers Choice Award na BET Comedy Awards. Tambe e la presenta den su mesun special di mei ora ariba Comedy Central. Kevin Hart ta miembro di e elenco di Comedy Central



show Kröd Mändoon y Flaming Sword of Fire cual a ser lanza 9 di april 2009.

Diasabra 29 di mei: Den Joe Laveist Sportpark  
 Prome anochi di concierto después di e presentación di e banda local lo presenta Mary J. Blige y Radeem DeVaughn.

Mary J. Blige cu no ta un desconoci y ta uno di e grandinan den e mundo di música R&B. Prueba grandi ta su consistencia den e cantidad di albumnan # 1 y single hits cu e tabata tina riba Top Charts mas ganador di 6 grammy awards y 7 multi platinum y 15 aña di amor pa su publico, criticonan y otro artistanan. Desde su debut na 1992 e clásico moderno “What’s the 411” pa su hit grandi den 2005 “Breakthrough” Mary J. Blige a colabora pa redifini e música di R&B. Y mas ainda Mary J ta un artista cu ta usa su don pa inspira, eleva spirito, di esnan cu tin mester y ta toca bidanan cu alma y curazon pa esnan cu ta interesa pa scucha. Mary J su di 8 studio hit CD “Growing Pains” ta ariba su lista di “best selling hit” di e album “Reflections” den aña 2006.

Radeem DeVaughn, yiu di e conocido Jazzista Abdul Wadud y a lanta y crece na Maryland y a incicia su carrera den clubnan den areanan di Washington D.C. Despues di varios cancionnan di cual e ta vende ariba caya durante su shownan e la firma cu Jive Records y a lanza e canción “The Love Experience”. Na 2007 e ta kibra barera comercial cu su hit “Love Behind the Melody” cual hit e la gana 2 nominacion pa grammy awards, 2 BET J Awards for “Best Male R&B Artists” como tambe álbum di aña y un lugar privilegia den e tour di Jill Scott. Tambe e ta e homber tras di e hitnan nomina pa grammy “Woman” y “Customer” cu ta cancionnan cu ta pone e curazon bati duro.

Radeem ta un di e artistanan hopi stima den e era moderno den music di soul.



Kevin Hart

Diadomingo 30 di mei: Den Joe Laveist Sportpark  
 Di dos anochi yena cu energia di composicion natural manera nos ta bisa “con dinamita pura” lo presenta Toni Braxton y Joe Thomas.

Toni Braxton, cu un catalogo impresivo di 5 album cu ta inclui e “best selling Ultimate Collection” na 2003. Mundialmente Toni Braxton a gana fanaticonan desde cu e la ser lanza den música contemporario na 1991 cu e hit “Love Shoulda Brought You Home” cu tabata e soundtrack pa e pelicula “Boomerang”. Como primera dama di “La Face Records” Toni su partnership y creatividad cu Antonio L.A. Reid y Kenneth “Babyface” Edmonds na 1993 a produci un sin fin di un multi platinum álbum cu Toni Braxton.

Otro cancionnan produci pa Toni ta “Another Sad Love Song”, “Breathe Again”, “Un-Break My Heart”, “You’re Makin Me High”, y “He Wasn’t Man Enough” y cu nan e ta total di 5 grammy awards.

Joe Thomas, como un vocalista completo di R&B di voz suave cu sultura y ta inclui ocasionamente algún beat di hip-hop Joe su background extenso a permitie pa canta, skirbi y produci hitnan cu a gana platinum. E la debuta cu e album na 1993 jama “Everything”.

Despues di esaki Joe a lanza varios hit singles cu ta inclui e # 10 R&B hit “I’m in Luv”. Na 1997 e álbum “All That I Am”

a alcanza # 13 ariba billboard di 200 charts y # 4 ariba e R&B charts cual a sali bende mas di 1 milyon copia na USA. E la sigui traha hitnan manera “Ain’t Nothin Like Me” na 2007 y “Signature” na 2009. Su carrera exitoso tin un trayectoria di mas di 17 aña.

Soul Beach Music Festival:  
 Según Minister di Turismo Otmar Oduber “Mi ta orguyoso di e line up di e aña aki como tambe di e partnership cu e organisadornan di Soul Beach Music Festival. Orguyoso cu e evento ta bai San Nicolas y lo duna un toke di Sanifest y tanto local y e bishitante por goza un tiki di arte y cultura di Aruba.

Aruba ta cla pa ricibi y celebra hunto cu e artistanan y bishitantenan cu lo ta na Aruba pa disfruta di e evento di e aña aki. SBMF ta duna Aruba masha hopi cobertura den exterior den mercadonan potencial pa Aruba y esey ta algo cu ta complimenta e mercadeo di Aruba.

E promocion na radio ta excelente y ta trese Aruba den “top of mind” di e viajero potencial cu Aruba no ta “target” via otro medionan specifico”.

Benta di ticket di entrada:  
 Manera ta custumber Soul Beach Music Festival ta ofrece y ta duna e mercado local pa cumpra nan ticket na un prijs especial y e aña aki no ta un excepcion. Pries di entrada pa cada anochi lo ta Afls. 55,= pa persona obtenibel na Aruba na: Setar Teleshops, Dragon CD & Electronics, Moomba Beach, Mambo Jambo y stacion di



Mary J Blige



Raheem DeVaugh

gasoline di Valero.

Organizadornan ta recomenda esnan cu ta desea di atende y presencia e show nan di e aña aki pa busca nan ticket tempran ya cu e “especial” aki ta limita. Ultimo dia pa por cumpra e kaarchi na e prijs ariba mencionada lo ta diabierna 15 di Mei, 2010 tanten cu tin den stock. Normalmente e prijs di entrada lo ta \$ 65,= esta Afls. 117,= pa persona pa anochi. E aña aki ta e Soul Music Beach Festival ta conta cu varios sponsor local y internacional:  
 Main Sponsors: Aruba Tourism

Authority, HBO, BlackPlanet.com, CodeBlack, Uptown, Jet-Blue Airways

Local Sponsors: AHATA, Setar, De Palm Tours, Economy Car Rental, Coca Cola

Primary Hotel Sponsor: Renaissance Aruba Beach Resort & Casino

Secondary Hotels Sponsors: Radisson Aruba Resort & Casino y Holiday Inn Sunspree Resort

Hotelnan Participante: Brickell Bay Beach Club Aruba, Hyatt Regency Aruba, Tierra del Sol Aruba Resort, Spa & Country Club.



## Pasco Grandi celebra den ambiente familiar na El Gaucho



E fin di siman largo di Pasco Grandi a wordo celebra na El Gaucho restaurant den un ambiente familiar, cu bishitantenan di Costa Linda Beach Resort, Bucuti Beach Resort,

Marriott Surf Club, y Westin Aruba Resort entre e hopinan cu a bini hunto pa un experiencia culinario tan gusta. Despues di e temporada di abstinencia y Lent, e comedornan di carni

tabata contento di por drenta El Gaucho atrobe y scohe for di su menu estelar.

Mientras cu famia Meehan a raporta cu esaki tabata di nan 10 bishita na Aruba, e famia

Freeman tabata orguyoso di por comparti e noticia cu nan ta regresando pa e isla ya pa 20 aña, bishitando nan restaurant preferi, El Gaucho, cada biaha. Guitarrista Placido Garcia a

entretene riba diadomingo di Pasco Grandi, percurando pa un ambiente musical divertido pa compaña e steaknan gigantesco y delicioso.

Fundacion Parlamento Hubenil a organisa

## Workshop “E ley di Atraccion den Accion”

**FUNDACION** Parlamento Hubenil semper t'ey pa brinda diferente workshop na miembronan di Asociacion Consejo Hubenil Aruba (ACHA) pa motiva y stimula desaroyo personal. Fundacion Parlamento Hubenil ta consisti di diferente representante cu ta bini for di un scol secundario of organisacion di hubentud di Aruba.

En conexcion cu nos tema di aña 2010: “Nos Hobennan Positivo, nos Talentonan, nos Futuro”, ACHA a participa na e workshop “E Ley di atraccion den accion” presenta dor di Grupo Love & Light, dia 18 di februari y dia



30 di maart.

E meta di e dos dianan akinan tabata pa nos como hoben siña “comparti positivismo cu otro, nos comunidad y tambe traha pa cambio positivo di mentalidad pa asina atrae bienestar, salud, abundancia den tur sentido di palabra pa nos hobennan

di Aruba”.

E anochi a cuminsa cu un bunita speech riba con Love & Light a lanta como un organisacion y kico nan ta haci den nos comunidad.

A sigui despues cu e pelicula di “The Secret”, cu ta musta e biahe interesante aki y alavez



tambe e proceso completo di The Secret cu nos comunidad di Aruba a experiencia.

Na final nos hobennan por a haci pregunta riba e pelicula. Cada hoben cu a presencia e workshop a haya na final un certificado cu nan a cumpli cu

e workshop. Un danki special ta pa bai pa e miebronan di Love & Light: Betty Werleman, Madeline Ridderstap y Jeanine Tromp cu a musta e hobennan di Parlamento Hubenil Aruba con nan tambe por trece positivismo den nos comunidad Aruba rond di nan mesun bida.



# ‘One In A Million’ e ultimo di Honey Pot




DESPUES di un pause di 3 luna pa presentacion live, Honey Pot a regresa cu release di nan Hit Song di mas nobo na nos emisoranan local. ‘One in a Million’ ta number di e cancion promocional nobo nobo di Honey Pot. Pa algun tempo caba fanaticonan tabata warda riba e cancion nobo y

manera cu a prminti nan a release “One In A Million” cu ta un Dancehall Rock Trade Mark di Honey Pot. E cancion nobo a wordo compone y aregla pa Chayo Tromp cu un estilo unico cu a wordo graba na Aruba mes na O.M.Z. Recording Studio di Kurt Labadie. Actualmente Honey Pot ta den Recording


Studio trahando riba mas tema pa completa e proximo album pa release den 2010. Sintonisa bo radio-emisora preferi den e dianan venidero pa scucha interview cu Chayo tocante e cancion nobo y tambe tocante e proximo album. No lubida di solicita e cancion mas nobo di Honey Pot – ‘One In A Million’.






## THE CINEMAS

NOW BUY YOUR TICKET ONLINE




### VISIT US ONLINE AT [WWW.THECINEMAS.AW](http://WWW.THECINEMAS.AW)



steve carell    tina fey

## DATE NIGHT





THE CLASH BEGINS IN 3D

## CLASH OF THE TITANS


### SCHEDULE FOR WEEK OF APRIL 8 - APRIL 14

\*matinee: thursday - sunday | late show: friday & saturday

#### AT RENAISSANCE - ORANJESTAD

<b>PG-13 NEW</b>	<b>CLASH OF THE TITANS</b>	daily: 6:00 matinee: 1:00	3:30	8:30 late show: 11:15	
<b>PG-13</b>	<b>THE BOUNTY HUNTER</b>	daily: 4:00 matinee: 1:30		6:30 late show: 11:45	
<b>R</b>	<b>REMEMBER ME</b>	daily: 4:45 matinee: 2:00		7:15 late show: 12:15	
<b>R</b>	<b>BROOKLYN'S FINEST</b>	daily: 6:00 matinee: 12:00	3:00	8:45 late show: 11:30	
<b>PG-13</b>	<b>WHY DID I GET MARRIED TOO</b>	daily: 5:45 matinee: 12:00	2:45	8:45 late show: 11:30	
<b>PG</b>	<b>ALICE IN WONDERLAND</b>	daily: 5:30 matinee: 12:45	3:15	8:00 late show: 11:00	

#### AT PASEO HERENCIA

<b>PG-13 NEW</b>	<b>DATE NIGHT</b>	daily: 4:00 matinee:		6:15 late show: 11:00	
<b>R</b>	<b>COP OUT</b>	daily: 6:15 matinee: 1:00	3:45	9:00 late show: 11:30	
<b>PG</b>	<b>HOW TO TRAIN YOUR DRAGON</b>	daily: 4:15 matinee: 1:45		6:30 late show: 11:15	
<b>PG-13</b>	<b>OUR FAMILY WEDDING</b>	daily: 5:30 matinee: 12:45	3:00	7:45 late show: 12:00	
<b>PG</b>	<b>DIARY OF A WIMPY KID</b>	daily: 12:00 matinee: 2:00		late show:	
<b>R</b>	<b>GREEN ZONE</b>	daily: 6:30 matinee: 1:15	3:45	9:15 late show: 11:45	
<b>R</b>	<b>SHE'S OUT OF MY LEAGUE</b>	daily: 5:45 matinee: 12:30	3:15	8:15 late show: 11:00	



# Fabula di e color di e parhanan di Aruba

Pa: Roland W. Peterson

<p>HOPI, hopi aña pasa, prome cu hende tabata biba na Aruba, Aruba tabata hopi frieu.</p> <p>Tur e parhanan na mundo tabata tin un color so, shinishi cla,</p> <p>Un dia tur e parhanan tabata sinta rond di un kampvuur masha grandi pa haya un tiki calor.</p> <p>Nan tabata traha duro dor di trece palo y tira riba e candela, pa asina e kampvuur no paga.</p> <p>Hasta e Blenchi chikito tabata trece su pida yerba seco y lage cai den en kampvuur.</p> <p>Asina tur e parhanan na Aruba tabata traha hopi duro.</p> <p>Tin basta dia cu solo no a sali.</p> <p>Nan sa si e candela paga nan tur ta muri di frieu</p> <p>Awor ta birando scur y nan sa cu ta bai bira mas frieu.</p> <p>Tur e parhanan ta trahando mas duro pasobra ora cu bira scur, nan no por mira unda pa piki e palo.</p> <p>Cada bes e parhanan bini cerca di e kampvuur nan plumanan ta kima/tosta un tiki, un mas cu e otro, pero como cu ta scur nan no ta mira nada.</p> <p>E Totolica, Buladuifie e Halablanca, Barica Geel, Prikichi, Shoco,Trupial, Mofi y e Warawara, tabata carga pida palo y tira nan den e candela.</p> <p>E Flamingo cu su pianan largo tabata cana cu hopi cuidao. Cu su pianan largo e tambe ta pusha pida palo bao di candela.</p>	<p>Awor e parhanan a cansa. Nan no por mas. Nan tur a bai drumi.</p> <p>Solamente e Chuchubi ta keda traha. Henter anochi e la carga palo pa e candela.</p> <p>Por fin, despues di hopi rato ata ... e solo ta sali atrobe.</p> <p>E parhanan ta lanta for di soño.</p> <p>Nan no por kere nan wowo. Dor di e candela nan plumanan a tosta diferente color bonita</p> <p>E plumanan di e Totolica, Buladuifie y Halablanca a tosta un color bunita suave maron/paars.</p> <p>E Barica Geel su lomba a tosta preto pero su barica a bira geel.</p> <p>E Prikichi a tosta un bunita berde.</p> <p>E Shoco a bira un bunita maron cu blanco.</p> <p>E Trupial a tosta bunita oranje cu preto.</p> <p>E Mofi su plumanan a tosta un bonita maron/berde.</p> <p>E Warawara a tosta diferente color maron y blanco. Su pianan a bira geel.</p> <p>E Patrishi a tosta diferente color maron y blanco y hasta e la haña un corona/kuife riba su cabez.</p> <p>E Flamingo su plumanan a tosta un bunita color roos/oranje.</p> <p>Awor tur e parhanan ta cuminsa canta den e rayonan di e solo. Nan tabata hopi contento cu porfin e solo a</p>	<p>sali y nan a haña colornan bonita. Pero diripiente nan a stop di canta.</p> <p>Unda ... unda Chuchubi a keda?</p> <p>Chuchubi no ta cu nan.</p> <p>Nan tur a bai na e kampvuur.</p> <p>Ta huma so ta sali. Tur e palonan a caba di kima.</p> <p>Pero unda Chuchubi ta? Tur e parhanan ta busca e Chuchubi.</p> <p>Diripiente den e carbon y shinishi nan ta mira e Chuchubi ta lastra un pida palo.</p> <p>Nan tur ta core bai cerca dje.</p> <p>“Chuchubi, Chuchubi, bo a keda traha bo so henter anochi pa tene e candela sendi. Bo a salba nos tur. Ban canta cu nos.</p> <p>Dor di e candela, huma, carbon y shinishi tur e plumanan di Chuchubi a bira preto. Su garganta paden a kima, y nunca mas e por canta.</p> <p>Pero Chuchubi a bira e heroe balente di tur e parhanan.</p> <p>Nan a hisele riba nan schoudernan y hibe pa e bai drumi un tiki,</p> <p>Tur e parhanan tabata canta: “Biba Chuchubi Preto, biba Chuchubi Preto.</p> <p>Y asina tur e parhanan di Aruba a haña nan color.</p>
--	--	---

# Fundacion C.V.A.Aruba cu

<p>Charla tocant stroke of atake cerebral na diferente districto</p> <p>E fundacion cu ta duna informacion tocante e malesa stroke of atake cerebral ta mira cu e malesa ta ataca hobennan na Aruba tambe mescos cu na otro paisnan rond mundo.</p> <p>Ta pa e motibo aki nos ta bay brinda e pueblo di Aruba e</p>	<p>oportunidad pa bin scucha tocante e malesa aki cu por haci un cambio drastico den bida di henter un famia ora e bati na porta di un miembro di famia.</p> <p>No lubida cu un pueblo adverti por trata na evita/preveni pa no haya un stroke.Lo tin presentacion di con e malesa ta tuma lugar serca un patient pa haci</p>	<p>e pueblo mas conciente y asina trata na biba mas saludabel.</p> <p>E dia/fecha y lugarnan na unda e charlanan lo tuma lugar ta Diahuebs dia 15 di April na Y.M.C.A. San Nicolas di 19.30-21.00.</p> <p>Diahuebs dia 22 di April na Centro di Bario Playa Pabao cu</p>	<p>ta cuminsa pa 20.00-21.30 .</p> <p>Dia mars dia 27 di April na Piedra Plat ,na Fundacion Ensenansa Pa Aruba,cu ta keda ariba e Ex.Bestuurskantoor di 19.30-21.00.</p> <p>Entrada di e charla ta gratis y ta cuminsa na ora!!</p>	<p>Lo tin mas informacion tambe despues di contesta e preguntanan di esnan presente.Nos ta spera tur hende cu kier sa mas di e malesa aki,e pacientnan y esnan cu ta cuida un pacient y nan famia pa bin tende pasobra por ta cu abo tin preguntanan importante y bo no ta bo so,bin comparti bo inquietudnan!</p>
---	---	--	---	--



# Deporte

## Comision Beach Soccer ta felicita Campeon di Copa Cees Bossers



**DEN** e weekend largo tras di lomba a tuma lugar tremendo wega di futbol di beach den e torneo di Copa Cees Bossers, na Eagle Beach. E prome weganan pa clasificacion a cuminsa diahuebs pa categoria di cabayero. Diasabra henter dia e muchanan di categoria Minibaby, Baby y Lifida A a percura pa tene e publico entreteni hungando partidonan di beach soccer bastante intenso. Resultadonan di categoria aki tabata: Mini Baby Campeon Washington, Sub Campeon RCA; Baby Campeon Britania, Sub Campeon RCA; y Lifida A Campeon Dakota, Sub Campeon RCA.

Pa diadomingo anochi e teamnan di categoria cabayeros cu a clasifica a keda conoci esta Toke, Mente Sano, Lions, Blizz 101.7, Dunkin Donuts, Tik Tak, Fear Boys y Beach Boys. Weganan pre-final diadomingo y dialuna tabata bastante "hot". Wegan di final a tuma lugar entre e muchanan di Fear Boys y Mente Sano y a termina cu score di 2-0 na favor di Fear Boys, titulando campeon di Copa Cees Bossers 2010 categoria cabayeros. Pa loke ta trata categoria damas a keda titula como Campeon U-17 y Sub Campeon Juventus.

S.V. Juventud Tanki Leendert kier a extende un palabra di gratitud na e teamnan, comunidad di Aruba, nos patrocinadornan Redbull, Budweiser, ProSport Tanki Leendert, Setar N.V., Idefre, Gobierno di Aruba, Bank, EcoTech, Lotto pa Deporte, Cerd Rental y Van Kessel Construction, especialmente e crew di Beach Soccer Aruba pa a contribui na e exito di torneo Copa Cees Bossers 2010! Bira fan di Beach Soccer Aruba riba facebook pa tur informacion, imagen, video y pa keda up to date tocante e metanan grandi postula pa 2011, cu ta e aña di FIFA Beach Soccer World Cup.



Pa forma parti di nos patrocinadornan y e plan di e magno evento di 2011 tuma contacto

cu Roland de Cuba na +297-564-9769, of email nos na [beachsocceraruba@live.com](mailto:beachsocceraruba@live.com).



# Kiwanis a combina trabao cu placer na Tierra del Sol

**MIEMBRONAN** di Kiwanis Club a topa pa un cena di trabao na Ventanas del Mar restaurant. E miembronan di e organisacion tabata acompaña pa nan pareha durante e anochi cu a combina cantidad igual di trabao y placer.

E cena di tres plato prepara pa e restaurant su ekipo culinario a inclui lobster cappuccino of tossed Caribbean salad como e prome platonan, fillet mignon prepara riba gril cu batata horna y berdura cu truffle sauce of pecho di galiña

suave prepara riba gril sirbi cu coconut curry sauce, batata puree, y berdura di temporada, como platonan principal. E pasaboca a consisti di dark liquid chocolate cake cu coconut ice cream, sirbi cu vanilla sauce.








E torneo "Ultimate Taekwondo Cup 2010" a tuma lugar diasabra anochi, 3 april 2010, den Centro Deportivo Betico Croes na Sta. Cruz. E torneo a ser organisa pa Brazil Taekwondo Dojang Aruba. Atletanan di Merca, Surinam, Curacao, Venezuela y Aruba a participa den e evento cu a hala un publico bastante grandi. Durante di e torneo a hasi uso di "TK-Strike electronic protector system" pa registra pun-tacion durante di e com-batenan. (Foto di Anthony Carlo).

# Ultimate Taekwondo Cup 2010



*Aweh Ta Hasi Anja E Mucha bn Mucha,  
Di Juliana School. Marvick Charles!  
Eta Haya Pabien di Tur Su fiwendsz nn!  
Cu Stime Asinah Hpi! =D  
Spera Bo Pasa Dsh Riba Bo Dia!  
Ai Nh Wiry pasa Ta Ken a Bute nin pnt!  
Paso e contesta ta Bsk Pasah! :)*



*Awe ta cumpli 85 año, Ale Thiel "El gallo viejo que nunca pierde su pico".  
Felicitation y bon deseo pa hopi año mas ta bin di su señora Lica, su 10 jiunan, 13 nieto, un bisani-eto, rumannan, suegra y demas famia y amigo-nan.*



## Problema pa criamento di cabrito

POLISNAN di Santa Cruz a bay diamars mainta 8.30 di mainta, na un cas na Jan Fleming, naunda tin tres ruman cu problema cu otro, pa motibo di cabrito. Na e sitio, polis ta haya e tres ru-

mannan E.L, R.L. y C. L. ta discuti formal cu otro. E problema cu C.L ta cria cabrito y su cabritonan ta drenta den cura di e otro dos rumannan y ta come nan mata y tambe ta laga e cura yen di mes.

Polis a papia cu tur tres. E dos rumannan a mustra comprension, pero C.L. cu ta cria e cabritonan no kier compronde y a bisa cu e no ta sera su cura. Por spera mas problema.

## Compania di seguridad cu problema cu su trahado

POLISNAN di playa ta bay diamars mainta 11'or di merdia na un compania di seguridad den Engelandstraat pa un intermediacion. Na e sitio, doño S.S. naci na Aruba di 44 aña, ta bisa polisnan cu e trahado F.F.R. naci

na Venezuela di 43 aña, a bin y ta exige su salario. S.S. ta bisa polisnan cu e trahado F.F.R, algun dia pasa a keda sin bin traha y awe el a bin pa exige su salario. S.S. ta bisa polis cu el a bisa e homber cu mirando cu no a manda su

retiro cu antisicpcion, e dianan ey tambe mester wordo kita for di su salario, y ademas e dianan cu e no a traha. E homber a rabia y a bolter lessenaar. Ora cu polis a yega e no tabata mas na e sitio. Polis lo buske pa papia cune.

## Guardia ta detene ladron cu a caba di horta

POLISNAN di Oranjestad ta bay diamars merdia 2'or, na Renaissance pa un caso di ladronisia. Eynan e guardia ta bisa nan cu e tabata teniendo control, y a mira un homber ta haci sospechoso. El a cana vigila e homber y a mira

cu el a drenta den n negoshi renombra. EL a sigui mira e homber di leu pa mira kico e ta haci y a nota cu e homber a coy dos poloshirt y a hincanan bou su paña. El a sigui cana den e luga y kier a Sali sin

paga. Ora cu el a Sali e guardia a pare na porta y a yama polis. Polis a bin y a detene e homber A.R. di 36 aña, naci na Grenada, sin luga fiho di biba. Polisnan a hibe warda, naunda el a haya un cuarto gratis.

## Cliente enbes di cumpra cuminda ta horta cartera di trahado

ASISTENCIA di polis a wordo pidi diamars 9.30 di anochi, na un restaurant Chines, naunda un supuesto cliente a horta un cartera. Na e sitio polis ta papia cu e trahado femenina M.G.R.K., kende ta bisa polis cu e tabatin

su cartera den su man y a pone un rato riba toonbank pa e bay busca cuminda.

ORA cu el a bolbe, e ta bisa cu un homber cu tabata para na e toonbank a coy su cartera y a bay. El a Sali pafo y ainda a mira

e homber cu su cartera den su man, pero ora cu e ladron a mira e trahado, el a core bay direccion di Misa di Noord. Segun su descripcion, e homber tabata bisti cu un T-shirt blou cu short. Polis a busca den bisindario, pero no a haya e sospechoso.


## Polis no a logra pone man riba sospechosonan riba scooter

POLISNAN di Noord, diamars 8.30 di anochi, durante patruya ta mira un auto Toyota Corolla blanco A-54263, para riba veld di Nacional. Ora cu polis a bay controla, nan ta mira cu e auto tabata habri y no tin ningun hende den dje. Polis a yama takelwagen


pa hiba e auto warda. Momento cu polisnan tabata warda riba e takelwagen, nan ta mira tres mucha homber riba scooter ta bin den direccion di e auto, pero manera nan a mira polis, nan a cambia di direccion y a hisa velocidad y a bayfor di e luga. Polis

a sigui nan tras y na e cruzada di Noord, na e lusnan di trafico, uno a coy direccion pa Turibana y e dos otronan a sigui direccion pariba. Dado momento nan a subi e brug chikito y eynan polis no por a sigui nan tras cu auto y a perdenan for di bista.

Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403




Señor ta mi wardador, mi n' tin falta di nada:  
Den cunucu di yerba berde, e ta pone mi  
Sosega. E ta hiba mi na fuente di awa fresco, Pa  
Mi bolbe haya forsa.  
PSalmo 23.1  
Cu inmenso tristeza na nos curazon pero agradecido na Dios, pa  
tur locual cu el a nifica pa nos, ta participa fayecimento di nos  
Casa, Tata, Abuelo, Bisabuelo y Omo stima:




**Jacobo Pablo Falconi**  
Mihor conoci como "Jake"  
\* 30-06-1932 † 07-04-2010

Acto di entierro lo wordo anuncia despues.




**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

Mi yiunan:  
Keda corda loke boso tata ta bisa boso,  
No lubida loke boso mama a siña boso.  
Warda nan pa semper den boso curason,  
Bisti nan na boso garganta:  
Pasobra siñansa di boso mayornan lo guia,  
boso unda boso bai.



**Alberto "Beto" Koolman**



**Gregoria "Goita" Koolman**  
22 aña di fayecimento 3 luna di fayecimento

Famia Koolman kier invita tur bisiña y conocirnan, pa un  
santo sacrificio di misa diahuebs awe 8 di April 2010 na  
misa Immaculada Concepcion na Santa Cruz pa 7'or di  
anochi, pa recorda e di 22 aña di fayecimento di nos tata  
stima Alberto "Beto" y e di 3 luna di fayecimento di nos  
mama stima Gregoria "Goita".  
Boso presencia ta altamente aprecia.

di yiunan y famia Koolman



**Panaderia del Pueblo**  
"Wonda Loaf"  
Guyabaststraat 4, Dakota Tel: 582 4748





## AD PATRES funeral home

van Rensselaerstraat 2  
San Nicolas - Aruba  
E-mail: adpatres@setarnet.aw

Tel.: (294) 584-2299  
584-8413  
Fax: (297) 584-2266

“Laga tur locual cu ta sperami ta bunita,  
Laga tur locual cu mi encontra na caminda ta bunita,  
Laga tur locual cu ta rondonami ta bunita,  
Laga tur locual mi ta laga ‘tras keda bunita,  
y laga tur esakinan termina den tur buniteza”

Cu inmenso tristesa na nos curazon, pero alabes agradecido na Dios, pa tur locual e la nifica pa nos, nos ta anuncia cu a bai drumi den braza di Señor



**Angela Maritza Martilia**  
\*09-10-1958 +01-04- 2010

**Na number di su**

**Tata:** Angel Martilia

**Ruman:** Junior Martilia y Angelica

**Tantan:** Lucila (Lulu) Jansen y familia  
Ludwina Thielman (Juyu) y familia na Bonaire  
Myrna Winklaar y familia na Bonaire

**Omonan:** Roberto (Robby) Jansen y familia  
Rodolfo (Doy) Jansen y familia  
Idilio (Dilio) Jansen y familia  
Julio Martilia y familia  
Willy Martilia y familia  
Aquiles Anthonie y familia na Bonaire  
Rimi Anthonie y familia na Bonaire  
Edel Anthonie y familia na Bonaire

**Omo grandi:** Marco Dirksz y familia

Primo y primanan y demas familia ta invita tur amiga, bisiña, ex-coleganan di Fatum y conocirnan pa asisti na e **acto di entierro cual ta tuma lugar Diabierna 9 di April 2010 pa 4’or di atardi saliendo for di Misa Sta Theresita y después pa Santana Católico na San Nicolaas.**

E restonan mortal di nos Maritza stima lo ta reposa for di 12’or di merdia na Ad Patres Funeral Home te cu 1:15 pm y for di 2’or di atardi den Misa Sta Theresita.

**For di basta dia awa no tabata cay na Aruba pero diaranzon for di marduga awa tabata basha foral parti pariba di e Isla, awa practicamente a jobe henter dia y ta algo cu ta bonbini.**



## Homber a bay regla cuenta cu bate di baseball

ASISTENCIA di polis a wordo pidi diamars anochi 11.30 na Subway na Savaneta, pa un supuesto atraco. Na e sitio, a resulta cu ora cu e personal cu ta busca placa a yega na e sitio y ta saliendo cu e placa, un homber cu bate di baseball a agredi e personal y despues a core bay. Tur cos tabata indica cu ta trata di un atraco. E chofer a subi e auto y a bay su trabou. E manager di Subway a kere cu ta trata di un atraco ya bisa cu den e saco tabatin dos mil florin. Polis a bay papia cu e manager di e luga di transporte y e ta bisa cu no ta trata di un atraco, como cu e homber no a bay cu e placa, pero cu ta un reglamento di cuenta y e homber a bati su chofer cu un bate

di baseball. Polis a bisa e manager pa e trahado bay Recherche pa duna cuenta.



**FOR SALE – AWG. 675,-  
2ND HAND DELL COMPUTER**

- Pentium 4
- 2.8 GHz
- 512 MB Memory
- 40 GB Hard drive
- Completely re-installed with Windows XP, Office 2007, Antivirus & all required updates.
- Inclusive of 15" CRT screen, keyboard and mouse.

**FOR SALE – AWG. 825,-  
2ND HAND DELL COMPUTER**

- Pentium 4
- 2.8 GHz
- 1 GB Memory
- 80 GB Hard drive
- Completely re-installed with Windows XP, Office 2007, Antivirus & all required updates.
- Inclusive of 15" CRT screen, keyboard and mouse.

Interested, please call Sue Winklaar at 583-1400.

**TA BENDE**

Un Suzuki Baleno  
2001  
Shinichi  
pa mas Inf:  
jama  
**7416925**

**PA TUR TRABOU DI****VERF CAS OF  
NEGOSHI**

Y pa tur trabou di chapi  
of corta mata  
Trabou di calidad y  
garantisa hasi pa  
**Arubiano**  
**Tel: 734-2217**



**Quality**  
Moving & Transport  
Cel: 594-1550/ 594-1826

Muda sin dolor di cabez, Esta facil. Moving is hard,  
Let us do it for you.  
**Muda/Moving/Verhuizing Transport/Courier services**

**Servicio pa Comunidad****Telefon di Emergencia**

Number di emergencia **911**  
Polis **100**  
Brandweer **582-1108**  
Ambulance O'stad **582-1234**  
Ambulance S.N. **584-5050**  
Hospital **587-4300**  
Centro Medico **584- 8833**

**Botica na Warda**

Pabou di Brug: del Pueblo  
Pariba di Brug:

**Dokter na Warda**

Pabou di Brug: dr. Gerrit Croes  
Pariba di Brug: dr.

**Otro Servicionan**

Setar Info **118**  
Digicel Info **145**  
Setar **582-5151**  
Elmar **52-37100**  
WEB **525-4600**  
Serlimar **584-6456**  
Rode Kruis Aruba **582-2219**  
FADA **583-2999**  
AA/NA helpline **583-8989**  
Fund. Abuso Sexual **582-4433**  
Fundacion Guia'mi **587-1677**  
Fund.Muher  
den Dificultad **583-5400**  
Fund.Tel. Pa Hubentud **131**  
**588-6138**  
Accion Rescate **584-2718**  
Centro Kibrahacha **588-3131**

**Polis**

Polis Tipline **11141**  
Oranjestad. **582-4000**  
San Nicolas **584-5000**  
Savaneta **584-7000**  
Santa Cruz **527-2900**  
Noord **587-0009**  
Strandpolitie **586-3003**  
Balashi **585-2500**  
Aeropuerto **582-4800**  
Aruba Transfer Tour & Taxi  
**583-2856**  
**582-2116**  
Best Taxi Services **588-3232**  
Coop. Ver. Tas **587-5900**  
ATS **583-5361**  
Arugas **585-1198**  
S.O.S. Teleayudo **583-1190**

**EDITA PA:** The Media Group,  
Margrietstraat 3, Oranjestad, Aruba,  
tel.(297) 583-1400, fax. (297) 5831444,  
**E-mail:** noticia@awemainta.com.

**CUENTA DI BANCO:**  
C.M.B. #229- 82600'.

**ORA DI OFICINA:** Dialuna pa Diabierna  
8 a.m. - 5 p.m.

**IMPRENTA:** Imprenta Nacional Arubano.  
**DIRECTOR:** Victor "Toko" Winklaar &  
Victor R Winklaar.

**REDACCION:** noticia@awemainta.com.  
**BENTA DI AVISO:**  
sales@awemainta.com

**NANKANG**  
Unlimited Parts &  
Enterprises N.V.  
Performance  
Sport  
Tires &  
AutoParts  
TEL: 583 1001  
MORGENSTER 12 - B

**TA BENDE**

Tereno 917 M2  
Afls. 115.000,--  
Eigendom na  
Tanki Leendert  
Pa mas Inf. Jama  
Cell-593-1082

**ENGLISH  
BUSINESS  
WRITING COURSE**

Awg.850 full course  
Duration: 8 weeks  
Time: 8 till 9.30pm (Thu-Fri)  
Begins on April 29<sup>th</sup>  
Tel.5825893-Mrs. Gina

**PAYROLL  
ASSISTANT  
COURSE**

Awg.650 full course  
Duration: 4 weeks  
Time: 6.30 till 9pm (Thu-Fri)  
Begins on April 22<sup>nd</sup>  
Tel.5825893-Mr. Eddy

**CLASIFICADO**

**3 DIA PA  
SOLAMENTE  
25 FLORIN**

YAMA 583-1400 | EMAIL: AVISO@AWEMAINTA.COM

**WANTED****PRIVATE PIANO TEACHER**

- 8 year old girl interested to learn piano.
- Beginners lesson.
- Once a week at our residence

Interested please contact  
739-1212.

**BULA JUMP**  
PA TUR FIESTA  
PA MUCHA  
**YAMA**  
5923523 / 5838769

Usa bo placa concientemente cada dia



Abona y ricibi bo  
corant preferi te na  
porta di bo cas tur  
mainta

Abona yama 583-1400

**Panaderia del Pueblo**  
"Wonda Loaf"  
Guyabastraat 4, Dakota Tel: 582 4748

**Resultado di Loteria****LOTTO CATOCHI**

9239  
5544  
9438

**ZODIAC**

6149 Aries

**BIG FOUR**

1617

**SUPER FOUR**

0829

**LOTTO PA DEPORTE** 10-15-29-32-34

Letter : l  
Joker: 25

**DIARIO**

8152  
7568  
6495

**CORSOW**

4431  
3183  
6123



# Ambiente na Baby Beach durante campamento

NA Baby Beach tambe tabatin masha bon ambiente durante e campamento tradicional di Siman Santo. Tabata notabel cu e grupo di campistanan pariba di brug a crece compara cu aña pasa y entre otro Baby Beach tabata un sitio favorito pa campa.



TIPO DI CAMBIO OFICIAL			
Valido pa 8 april 2010			
Placa Extranhero	Bank Papieren	Wisselen, Cheque Reis Cheque en Over Boekingen	Benta na Publico
US Dollar	1.77	1.78	1.80
CAN Dollar	1.76	1.78	1.80
Engelse Pond Sterling	2.64	2.69	2.75
Zwitserse Frank per CHF. 100	165.62	166.34	167.14
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	188.29	190.01	191.92
Euro per XEU. 100	235.44	237.59	239.98

**Provision di Devisa 1.3%**  
Segun articulo 12 di Afkondigingsblad di Aruba 1991 nr.GT 32.  
Banco Central di Aruba ta defini e tipo di cambio oficial pa e cambionan di placa extranhero.

**BANCO DI CARIBE**





# Yuda nos Tera y celebra Dia di Tera 22 di april

DIA 22 di april na aña 1970, a celebra e prome Dia di Tera. Hopi hende na Merca a haci e promesa pa yuda medio ambiente.

Hopi hende a involvi nan mes den esaki y desde e dia ey, Dia di Tera a plama riba henter mundo.

Hende rond mundo ta na altura cu tin problemanan cu nos mester traha riba dje y esaki ta e dia especial pa tira un bista riba nos planeta y detecta kiko mester cambia.

Un hende, Senator Gaylord Nelson, a haya un idea y a sigui traha riba dje, te ora cu tur hende a cuminsa traha hunto pa resolv'e. Aki nos por mira

claramente kiko ta pasa ora nos tur ta preocupa pa nos mundo. Hopi caminda caba bo ta mira y scucha e siguiente palabranan: "Bay pa Berde" y "Sea Consciente cu nos Medio Ambiente". Si nos pusha pa reduci contaminacion y yuda pa salba nos medio ambiente, esaki ta duna di conoce cu nos decisionnan ta basa riba e evidencia cu nos tin cu nos tabata y ta continua di haci daño na e aire cu nos ta respira y e tera riba cual nos ta biba, ta bisa Daniel Aguirre, cabesante di AHATA su comishon di medio ambiente.

Na honor di Dia di Tera, AHATA su comishon di medio ambien-

te a pidi tur su miembronan pa pospone nan limpieza di luna pa april 22 y nan ta encurasha tur hende pa pensa con nan por yuda proteha nos Tera-Planeta. Tuma nota di nan tips y trikinan pa yuda bo cuminsa biba e estilo di bida verde pa nos medio ambiente:

Spaar awa door di tuma un baño menos largo y tambe laga menos awa core door di uza un cabes di douche di spaar.

Tuma un custumber di skeiro bo djente cu e kraanchi di awa cera, y encurasha bo yiunan pa haci esaki tambe.

Recycle- junk mail, telefonnan celular, productonan di papel, bleki y carton y encurasha otro-

nan di haci esaki tambe.

En bes di uza saconan di papel y di plastic, cuminsa uza saco di papel y tasnan cu bo por re- uza. Mas saco di plastic cu bo benta afo, mas sushi nos planeta ta bira y mas nos ta contribui na contaminacion. Lubida cu e dryer di gas of coriente ta existi mes! Cuminsa colga bo pañanan pafo pa nan seca.

Opta pa deposito directo/personal na banco, online banking y online statements pa reduci uzo di mas papel.

Purba haci e tera fertil door di bruh'e cu restonan di fruta, berdura, y koffie. Esaki lo yuda crea miho tera y un tera cu

menos sushi.

Uza container of boternan reciclable cu bo por re- uza y yena cu awa filtra.

Saca plug di tur aparatonan electrico prome cu bo sali for di bo cas, pa asina spaar energia (coriente) y tambe asina bo ta preveni candela.

Si ta posibel, uza transportacion publico of cana na pia.

Corda cu tur hende por yuda tur dia teniendo cuenta cu e 3 R, cual ta Recicla, Re- uza y Reduci. Sea consciente pa nos medio ambiente y stima nos Tera-Planeta, celebrando esaki riba un dia especial, esta Dia di Tera riba 22 di april.

## Parlamento Hubenil presente na Youth Expo 2010



DIA 27 y 28 di maart ultimo Fundacion Parlamento Hubenil Aruba tabata presente na Youth Expo 2010. Youth Expo ta un evento nacional pa mucha y hoben entre 6-18 aña. E aña aki Youth Expo tabatin un tremendo cooperacion entre A.S.U, Departamento di Asunto Social, Cool FM, Cede-Aruba y "Samenwerkende Fondsen Nederlandse Antillen en Aruba". Durante e evento por a aprecia diferente otro organisacion pa hoben duna informacion na hobennan di Aruba pa asina nan tuma parti

den nan organisacion, entre otro Scouting, Paintball, Aruba Volley Ball y Biblioteca Nacional. Fundacion Parlamento Hubenil Aruba a participa un biaha mas na evento aki, caminda hopi informacion a wordo duna pa asina nos hobennan por logra haya sa kico Parlamento Hubenil ta y tambe kico ta nos meta pa cu nos hobennan. Durante e evento Fundacion Parlamento Hubenil Aruba a haya diferente hobenn interesa pa forma parti di e organisacion. E Minister Hubenil di Asuntonan Social, Joseph

Zambrano tambe a hiba palabra na nos hobennan presente na e Youth Expo.

Tambe nos kier aplaudi e hobennan cu a participa den competencia di baile. Caminda nos por mira cu nos tin hobennan di Aruba cu talento y cu nan ta bezig practicando cosnan positivo.

Alaves Fundacion Parlamento Hubenil Aruba lo kier gradici Departamento di Asunto Social, pa duna nos e oportunidad aki, pa experiencia un evento asina bon y cu un bon meta su tras.





# Den e Renaissance Conference Center E di 10 Festival Anual di Soul Beach Music a tene un conferencia di prensa



**RENAISSANCE** Convention Center tabata anfitrión di un conferencia di prensa cu a conta cu e presencia di Minister di Turismo, Transportacion y Labor, Otmar Oduber, y e promotornan di e Soul Beach Music Festival, Mark Adkins y Karl Welch, den cual conhuntamente nan a anuncia e lineup estelar pa e festival benidero, presentando entretenimento di clase mundial, den e fin di siman di Memorial Day, esta dia 26 di Mei pa dia 31 di Mei, 2010  
Presentacionnan di Mary J. Blige,

Toni Braxton, Joe Thomas, Raheem DeV Vaughn, hunto cu e Shaquille O'Neal Comedy Showcase cu Kevin Hart, ta plania akinan pa Diabierna, 28 di Mei, na e Aruba Entertainment Center, Oranjestad, y e Conciertonan di Musica pa Diasabra, 29 di Mei, y Diadomingo, 30 di Mei, lo tuma luga na Stadion Joe Laveist na San Nicolas, den combinacion cu SaniFest, un festival cultural di caya, cu cuminda y musica adicional, y otro atraccionnan special.  
E festival lo ofrece su concier-

tonan excelente ademas di mas di 30 evento cu lo tuma luga den e oranan di dia y anochi, proveendo entretenimento continuo pa bishitantenan cu lo bini for di tur parti di Merca, pa cinco dia yen di accion.  
E Renaissance Aruba Resort & Casino lo sirbi como e hotel anfitrión principal, cu anfitriónnan secundario Radisson Aruba Resort Casino & Spa y Holiday Inn Sunspree Resort. Otro propiedadnan participante ta Brickell Bay Beach Club Aruba, Hyatt Regency Aruba, Tierra del

Sol Resort Spa & Country Club, hunto cu hopi sponsor local, manera Setar, De Palm Tours, e Aruba Hotel & Tourism Association.  
HBO lo ta filmando e produccion como un sponsor fundador y lo

transmit e cobertura como parti di un serie nobo cu ta bon conoci. Aki por mira e evento di prensa na Renaissance Conference Center, cu emcee Astrid Muller na nomber di e Aruba Tourism Authority.



## Amazonia popular den fin di siman di Pasco Grandi



**CU** conclusion di Cuaresma, carni a bin bek pa asumi su posicion di honor, riba e menu familiar, y Amazonia Churras-caria a disfruta di popularidad increibel den fin di siman cu hendenan local y bishitante, kendenan a bai e restaurant pa purba e 16 diferente tiponan di carni y bar di salada cu 40 articulo. Diezoch miembro di famia di Clarissa Kock a topa den e sala priva di bankete pa celebra su di 13 cumpleaños. Famia Hanson di NJ, hospedando na e Marriot Surf Club, cu seis vacacion riba nos isla, cinco di cual a inclui un cena memorabel na Amazonia Churras-caria, ta raporta cu e steakhouse Brasileiro semper ta riba nan lista di luga cu nan mester bishita, ora nan ta na Aruba.

## Workshop “Paptest” pa Fundacion Parlamento Hubenil

Organisa pa Stagiaire di Famia Planea



**DIA** 25 di maart miembronan di Parlamento Hubenil a haya un workshop hopi informativo

y interesante tocante “Paptest” cu a wordo duna door di Fundacion Famia Planea. Den e

workshop aki e miembronan a haya sa cu un Paptest ta un test cu hende muher por haci na nan

docter di cas pa asina haya sa si nan tin cualkier malesa den nan boca di matriz y cu tambe ta hopi importante pa haci e Paptest aki tur aña.

E workshop a wordo organisa door di un alumna di E.P.I cu ta bezig ta core stage na Famia Planea. Tambe dr. Geerman tabata presente kende a splica nos kico tur un Paptest ta encera y na ki momento ta mas importante pa hende muher laga haci un Paptest. E directora di Koningin Wilhelmina Kanker Fonds tambe tabata presente cu a duna un splicacion chikito

over di diferente cancer y virus cu hende muher por haya y con nan como un fundacion por yuda hendenan cu cancer.

Na final di e atardi e miembronan di Parlamento Hubenil a haya un quiz y tambe un regalo di Playtex cu diferente informacion educativo cu a haci nos mas conciente di nos curpa. Na final nos di Fundacion Parlamento Hubenil Aruba kier a gradici e stagiaire señorita Deborah Paris, pa aserca Parlamento Hubenil y asina siña nos hobennan pa ta mas conciente di locual ta pasa rond di nan.